

3.

DE ORIGINE
IMPERII TVRCO_R
RVM, EORVM QVE ADMI-
nistratio & disciplina, breuia quæ-
dam capita notationis loco
collecta.

Cui

LIBELLVS DE TVRCORVM
moribus, collectus à Bartholemæo Ge-
orgieuiz, adiectus est,

Cum prefatione reuerendi uiri D.
Philippi Melanthonis.



v. Hagomieff.

VVITE BERGÆ.
ANNO M. D. LX.

PRÆFATI O D.
PHILIPPI MELAN-
THONIS.



VILE EST SÆPE MUL-
tumq; cogitare Ecclesiæ
Dei & imperiorum dis-
tinctionem, & conside-
rare, quam tristis seruitus
fuerit Ecclesiæ in magnis Imperijs
inde usq; ab initio Monarchiarum,
etsi interdum eam exiguo spacio mi-
randis modis Deus lenijt. Est omni-
no terribile spectaculum, quod sum-
ma potentia & fastigium generis hu-
mani cernitur esse penes hostes Dei,
qui ut Gigantes bellum coelo infes-
runt, & cruento iniustè fuso, & libidi-
nibus totam rerum naturam pollu-
unt. Quanta deformitas est, quod
Romæ dominatur spurcissimum &
cruelissimum portentū Nero, cum
ibi Paulus inclusus carceri Ecclesiam
colligit. Sed in talibus spectaculis
conspiciuntur tamen testimonia pro-

A 2 uidentæ

AD LECTOREM.

uidentiae & presentiae Dei, ut Gigantes fulminibus dissipantur, Tyranni singularibus exemplis delentur, quae ostendunt eos a Deo puniri. Praeterea Ecclesia, quamquam exigua est, & sine Regijs præsidij, tamen dextera Filij Dei tegitur, qui & alijs singularibus operibus præsentiam suam ostendit. Excitant Apostoli mortuos, & alijs alia testimonia exhibentur. Ita uniuersam Monarchiarum seriem intuaris, cum has tabulas & terribiles Turcorum formas ceu Gorgonas aspicies. Videremus Turcicam potentiam in genere humano excelle re, Reges & Princes Europeæ cæteros suas uires domesticis bellis consumere. Interea Turci procedunt. Et prædictus Hiltenius ante annos octoginta, dominaturos esse Turcos in Italia & Germania Anno 1600. In his uastationibus quæ & ubi erit Ecclesia? Hic uero teneamus necessariam & ueram consolationem diuinam,

AD LECTOREM.

uinam, quæ adfirmat etiam in hac delira Mundi senecta & inter Imperiorum ruinas & uarias opiniones, tamen filium Dei uerae Ecclesiae reliquias seruaturum esse, & eis daturum hospitia, et si squalidiora quam qualia habuit ætas tranquillior. Sicut scriptum est: Erit sicut in diebus Nohæ. Et quidem sciamus ibi Filium Dei seruaturum esse suos coetus, ubi & vox Euangelij, & ipsius inuocatio durabunt. Ab hoc agmine non deficiamus admiratione potentiae Turcicæ, aut metu crudelitatis ullorum Tyrannorum, nosq; & testimonij doctrinæ & inuocatione Filij Dei confirmemus. Illustris consolatio hæc est, Scire, impossibile esse, populum Dei hunc esse, qui palam & ex professo negant se amplecti scripta Prophetica & Apostolica. Semper in pectore circumferamus uocem æterni Patris de Filio: Hunc audite. Et similia dicta multa, quale est apud

AD LECTOREM.

Ioannem: Qui non manet in doctrina Christi, Deum non habet, Ut igitur simus ciues & membra populi Dei, & possimus uerum Deum inuocare & petere & expectare ab eo auxilium in hac uita, & æternam salutem, simus alieni à Turcicis blasphemis. Precemur etiam Filiū Dei Dominum nostrum IESVM CHRISTVM, crucifixum pro nobis & resuscitatum, ut propter suam gloriam, procul depellat Turcicam Tyrannidem, & semper inter nos sibi æternam Ecclesiam colligat.

Date Anno 1560.

Calend. Ianuarij.

DE ORIGINE IMPE-

RII TVRCORVM, EORVM
que administratione & disciplina, bre-
via quædam capita, notationis lo-
co conscripta.

De origine Turcorum.

TURCOS GENTEM SCY thicam esse, non solum historiographi ueteres testatur, Verum etiam eorum mores, facies, uultus, superbia, temeritas, magnæ securitas, deniq; tota ipsorum pugnandi ratio, modusq; clarè demonstrat. |

Ante annos sexcentos in Asiam minorē, quam Natholiam appellant, ingressi, infinitas depopulationes ac uastationes fecerunt, donec paulatim hæreditates, arces, ciuitatesq; imperio suo subiecerunt, Et populum Asiae minoris, qui bellis pugnæq; non assueuerat, perterrefacerent, atq; oppri-
merent.

Ac tum quidem Turci nullum habebant Principem, sed cateruatim discurrentes, amplissimam totius minoris Asiae terram peruolarunt sibiq; subegerunt, & cru-

A 4 deliter

DE TURCICIS

deliter rexerunt. Cum uero postea Christianorum peditum trecenta millia, & Equitum centum millia, ad excellentem ducem Gottfredum Bilioneum conuenissent, maraqz traiecerint, ut sanctam terram, ubi se pulchrum domini nostri IESV CHRISTI positum erat, occuparent: Turci quoque conglomerati, capitaneum sibi Solymannum quendam crearunt, atqz ita aduersum Christianos bella mouerunt. Sed post ingens & cruentum bellum, a Christianis uicti fugatiqz sunt.

Ab hoc tempore non legimus, Turcos aliquem Principem habuisse, usque ad annum Christi 1300, quo tempore tandem Ottomannus inclaruit, potensqz factus, primus Turcarum Imperator creatus est,

quo reliqui, ut sequens tabella ostendit, consequenter originem

duxerunt.

CATA-

IMPERATORIBVS.

CATALOGVS TVRCICORVM IMPERATORVM.

I. OTTHOMANNVS.



Ottomannus, primus Turcarum Imperator, qui gentis Turcicæ auus quasi fuit, Et a quo reliqui Principes Turcici denominantur, fuit fortunatus, uictoriosus & ualde crudelis Tyrannus. Regnauit annos 28. Mortuus est anno Christi, 1328.

A 5 Orca-

DE TVRCICIS

II. ORCANES.



ORCANES, secundus Imperator
Turcarum, uaser & ingeniosus fuit, pluri-
ma instrumenta seu machinas bellicas ex-
cogitauit. Praefuit imperio annos 22.

AMV-

IMPERATORIBVS.

III. AMVRATHES.



AMVRATHES filius Orcanis, ter-
tius Turcarum Imperator, iuuenis, fraudu-
lentus, prouidus uigilansque fuit. Anno
Christi 1363. Adrianopolin occupauit.
Regnauit annos 23.

BAIA-

DE TURCICIS

III. BAIACETVS.



BAIAZETVS hoc nomine pri-
mus, Quartus Turcarum Imperator, ui-
ctoriosus, sed insignis & crudelis Tyrannus
fuit. Totam ferè Græciam suo imperio sub-
iecit, Tandem uero à potentissimo Tam-
berlane uictus est.

CYRIS-

IMPERATORIBVS.

V. CYRISKELEBES.



CYRISKELEBES, Baiazeti fili-
us, Quintus Turcarum Imperator, ualde
iuuenis ad imperium peruenit. Cum Sigis-
mundo Imperatore Romani Imperij, qui
Rex Vngarie tum fuerat, confluxit, cumq;
in campo Salumbeci superauit ac deuicit.
Iuuenis adhuc mortuus est, regnauit circi-
ter sex annos.

MOISES

DE TURCICIS

VI. MOISES.



MOISES, sextus Turcarum Imperator, Hic postq; fratrī sui filium Orcanem interfecisset, Imperio Turcico quidem potitus est, uerum non diu ipsi praeſuit. Nam a Mahomete fratre Orcanis ante imperfecti, ipse quoq; necatus est, qui imperfecto Moise imperium Turcicum ſibi subiecit.

MAHO-

IMPERATORIBVS.

VII. MAHOMETVS.



MAHOMETVS hoc nomine pri-
mus, septimus Turcarum Imperator, ad-
modum crudelis fuit, uires VValachorum
bellis plurimis fregit, Easq; oppresſit. Re-
gnauit annos 14. Mortuus est anno Chri-
ſti 1419.

AMVR-

DE TURCICIS

VIII. AMVRATES.



AMVRATES hoc nomine secundus, octauus Turcarum Imperator, callidus ac crudelis fuit. Hic primus omnium, ordinem Ianitzarorum, de quib. postea dicitur, instituit. Regnauit annos 31. Mortuus est anno Christi 1450.

MAHO-

IMPERATORIBVS.

IX. MAHOMETVS.



MAHOMETVS secundus hoc nomine, nonus Turcarum Imperator, Audax, securus & confidens fuit. Hic cepit Constantinopolim Anno Christi 1453. Die 29. Maij. Regnauit annos 32.

B BAIA-

DE TVRCICIS

X. BAIAZETVS.



BAIAZETVS secundus hoc no-
mine appellatus, decimus Turcarum Imper-
ator, Totam Moldauiam ui bellica deuicit,
eamq; suo Imperio subiugauit. Insuper
multa & magna bella difficultia gessit, qui-
bus ipse in numero suorum interfuit. Re-
gnauit annos 31.

SELV

IMPERATORIBVS.

XI. SELIMVS.



SELIMVS, Undecimus Imperator
Turcarum, fuit admodum crudelis, Patrem
suum ueneno necauit, & eo modo potitus
est imperio Turcico, anno Christi 1512.
Postea cum deuicisset Sultanum Magnum,
populosissimam urbem Alkairum expu-
gnauit. Regnauit annos tantum octo, ubi
sue crudelitatis poenas dedit.

B 2 SOLY-

DE ORDINE BEL-

XII. SOLYMANVS.



SOLYMANVS, Selimi filius, duodecimus Imperator Turcarum, qui nostra ætate regnauit, iam uero mortuus esse dicitur, fuit propter peccata nostra felix & uictoriosus. Albam Græcam & Rhodum occupauit. Cumq; Regem Ludouicum deuicisset, Budam, Strigonium, Albam Regalem, & plurimas urbes Vngariæ suo Imperio adiecit. Viennam quoque Anno Christi 1529. obsidione cinxit, à qua auxilio filij Dei, quem hostem habet, repulitus est.

Te Domine Deus qui es trinus & unus, ueris & ardentibus gemitibus oramus, ut tandem iræ indignationisq; tuæ facias nem.

LITVR CICI.

nem. Mihiq; bonam spem concipio, tuq; iræ fore aliquando finem. Hic enim duodecimus Dux Turcarum est, nec plures ex Ismaële nascituros esse, Tu ipse Deus prædixisti Abrahæ Gene: 17. capite.

QVA RATIONE TVR^E
CÆ BELLA GERANT.

Postquam Macedonum potētiam Turcī deuicerunt, eorundem disciplinam militarem, rationemq; administrandi, Item bella (quamuis non in omnibus consentiant) imitati sunt ac retinuerunt. Ideoq; ferreis loricis induiti, hastis, clypeo, curuisque gladijs pugnare solent, sæpeq; uictores existunt.

Cohortem uero Ianitzarorum, ab ele-ctissimis militibus Macedoniæ, quorum uirtute Alexander Magnus orientales populos superauit, suocq; Imperio subiecit, nihil omnino differre certissimum est, Hos à prima statim puericia ad bella & pugnas educant, exercent atq; instituunt. Nemo eorum suos parentes aut cognatos nouit. Sunt enim filij Christianorum, multis ac uarijs depopulationibus surrepti, quos in hortum Principis Turcici traditos, ut in fu-

DE BELLIS

turum uiriliter sese in acie gerere & defendere possint, uarijs artibus bellicis instituunt atqe exercent. Si qui ex eis moriuntur, aut in acie uel etiam urbium aliarumue munitionum oppugnatione cadunt, confessim ex adolescentum exercitatissimorum ordine, in horum locum alias substituunt, numerumqe supplent.

Atqe hoc pacto exercitus Ianitzarorum, qui uelut cor & arx est roboris & potentiae Turcorum, semper manet integer. Nec habent equales pensiones, sed unicuiqe secundum propriam uirtutem, & egregia facinora, datur stipendium. Et haec unica est causa, cur audacissimi, & ad omnem conflctum, facinusqe egregium paratissimi ac promptissimi euadant, quemadmodum hisce superioribus annis, non sine nostro magno incommodo & malo, de his certiores facti & edocti sumus. Nam inde usqe ab Amurath secundo, qui Ianitzaros instituit, & hoc ordine dispositus, nusquam eos integrum aliquod generalis exercitus robamisse aut perdidisse legimus, quin potius superiores uictoresqe extitisse scimus.

Tanta autem iusticia & seueritate, Turci disciplinam militarem, bellicqe gerendi le-

ges

TVRCICIS.

ges custodiunt & conservant, ut hac in re Gracos & Romanos longe exuperent. Nunquam inter ipsos factiones, seditiones, prodiciones, aut mutuqe cedes existunt. Siquidem leui saltem criminis conuicti, capite plectuntur. Milites uero Turcorum aliarum gentium bellatores multis in rebus excellunt.

Primum enim Principi Ducibusqe suis sine contumacia prompte obediunt, quod apud nos tros minimè fit. Deinde, quamuis durissima necessitate urgeantur, tamen nunquam terga uertunt, sed potius audacius congreguntur. Credunt enim diuinatus prae*finitum* esse, quo tempore, quo uero modo quis occubere & mori debeat, Ideoqe nihil sibi aduersi ante constitutam horam accidere posse arbitrantur. Postremò quia sunt patientes, multoqe tempore, absque pane & uino, sola aqua & oryza sese sustentare possunt.

B 4 ORDO

ORDO SEV DIS-
POSITIO BELLI ET
CURIAE TURCICÆ
GENTIS.
VISIER BASSÆ.



VISIER BASSAE sunt consiliarij Turcici Imperato: Cum his enim de omnibus suis negotijs conferre ac delibera-re consuevit. Sunt autem quatuor, & ab ipso Imperatore ex eorum numero, qui ex Christianis Turci facti sunt, & Christo con-tradixerunt. Item multo peiores ipsis Turcicis euaserunt, diliguntur. Horum autoritas, & potentia magna est, et sunt opulentissimi.

LESKER

DE ORD: BEL: TVR:

LESKER KADIE.



LESKER KADIE, summi Iude-ces sunt, qui bellicas controuersias, quo-quot sunt, dijudicant. Vnus in Romania, alter in Natolia sedem habet. Horum officium est, omnibus dicere ius, & omnium causas, quæ ad ipsos perferuntur, iuxta Ma-hometi leges decidere. Ad hos appellant ac prouolant omnes alij Kadie, & penes hos manet potestas, de qualibet controuersia quantumvis magna, pronunciandi.

B 5 BEG.

DE ORDINE BEL.

BEGLERBEG.



BEGLERBEG, hic omnium Dux cum Dux est, hoc est summus militiae Principe, seu summi Principis locum tenens. Sunt autem duo Beglerbeg, & imperant illis qui uocantur Szantakbegler, Vnus in Natolia in ciuitate Galatiæ Cutheia. Alter in Romania, in ciuitate Rascianorum, quam Sophiam adpellant, commoratur.

TEPH-

LI TVRCICI.

TEPTHEDAR.



TEPTHE R ipsorum lingua librum significat, in quo rationes & calculationes conscribuntur. Inde TephTEDAR nomen habent. Sunt Quæstores seu Thesauri, unus in Romania, alter in Natolia. Rationem habent omnium prouentuum totius anni per totum Imperium Turcicum, omniumq; reddituum & expensarum. In aulis Principum sunt in magna autoritate.

IEREYS,

DE ORDINE BEL-

IEREYS.



IEREYS. Princeps militiae nauticalis, bellicq; maritimi, qui semper ex numero Szantsakorum aut præfectorum, qui Calliopolis præfunt, eligitur. Potestatem habet nauium trecentarum, quæ omnes gubernantur uelis.

MODE-

LI TVRCICI

MODERIS.



MODERYS, sunt homines docti in Mahometi constitutionibus, sapientes & exercitatiſſimi, Ideoq; omnes hoc nomine appellantur.

MVHTH;

DE ORDINE BEL-

MVTHI.



MVTHI, sunt Iurisperiti, ex quibus unus tanquam præcipius legis doctor, eligitur, cuius decisionem non licet cuicq; retractare. Si quæ difficiliora loca in legibus inciderint, de illorum interpretatione isti consuluntur.

CAN-

LI TVRCICI.

CANCELLARII.



Plurimi sunt scribæ in aulis Turcicorum Principum, diuersis tamen linguis ac literis utuntur. Nam in Turcia, literis & sermone proprio scribunt & loquuntur. In Græcia & Italia Græco, in Pannonia uero & Moldauia, Rasciano sermone & pictura utuntur in scribendo. Scribas autem omnes Turci uno nomine Iazici appellant.

SPAHL-

BOPALI

DE ORDINE BEL-
SPAHIOLANI.



SPAHI ipsorum lingua nobilem,
OGLAN uero puerum aut filium signi-
ficat. Inde Spahioglaní nomen habent, &
sunt præcipui Equites in exercitu Turcico,
educati in horto Imperatoris, eiusdemq; fi-
lij appellantur. Ex horum numero Szant-
sakbegler, deinde & Legati eliguntur. Nu-
merus eorum millenarium complet, induci
uestimentis splendidis & preciosis, à dextro
latere Imperatoris equitant. Quilibet co-
rum septem aut octo milites sub se habet.

SOLVPH-

LISTVR CICLE
SOLVPHTHARI.



SOLVPHTHARI, Hj una cum
Spahioglanis educantur, paricq; potestate &
dignitate pollent. Eorum quoq; nume-
rus est millenarius, Ornatislimis & precio-
fissimis uestibus induti, à sinistris Impera-
toris incedunt.

C CAPI

DE ORDINE BEL.

CAPICI.¹⁰³



C API lingua Turcica portam significat. Inde Capici nomen habent. Sunt enim Ianitores seu custodes portarum Principis, qui magni aestimantur, & præcipua dignitate ornantur. Ex cohorte Ianitzarorum deliguntur. Eorum sunt quadringenti.

VL¹⁰³

LI TVRCICI.

VLVFAGI.



VLVFAGI, sunt mille equites sic appellati, delecti ex numero Ianitzarorum, aut ex præcipuis militibus Bassarum, qui fidelitatem & suam uirtutem, egregio ac memorabili aliquo facinore declararunt. Tertium ordinem post Imperatorem Turcum obtinent.

C 2 CARL

DE ORDINE BEL.
CARIPICI.



CARIPICI, & isti sunt Equites, numero mille. Ut autem Equi eorum sunt celeres & ueloci: Ita ipsi quoq[ue] mira audacia & celeritate sunt prædicti. Arcu & sagittis, hastis, clypeo, & curuis gladiis utuntur, se secundum armant. Stipendia habent copiosa.

SOLAKH

IANIT

LITURCICIS
SOLAKHAI



SOLAKHI, sunt milites præcipui & electissimi. Deliguntur enim & hi quoque ex numero Ianitzarorum, qui artem eiaculandi sagittas admodum callent, h[ic]q[ue] emittendis præ caeteris, quam rectissimè, exercitati & assuefacti sunt. Numero sunt septingenti, quorum officium est, sagittis neruo appositis Imperatorem circundare, eiq[ue] aduigilare.

C 3 IANIT-

DE ORDINE BEL-

IANITZAR AGA.



IANITZAR AGA. Hoc nomine
dux Ianitzarorum appellatur, qui sub se
habet uiceduces, quorum alij imperant mi-
litibus mille, alij quinquaginta. Sunt præ-
terea centuriones, decurionesq;. Sub ho-
rum potestate reliqui Ianitzari quietissime
uiuunt.

IANIT-

TIKAI

LI TVRCICI.

IANITZARI.



IANITZARI, sunt pedites nume-
ro duodecim millia, præstantissimi, exerci-
tatiſſimi & fortissimi milites, quorum fide-
litati Turcus Imperator, præcipue ſe
committere & credere ſolet. Longis bom-
bardis utuntur, ex quibus celerrimè glo-
bos eiſaculantur, & rem attingunt, ad quam
emittunt globos.

ATVM

C 4 BES.

DE ORDINE BEL-
IBESLIE.



BESLIE, sunt etiam milites exercitati & celebrati, qui mirabiles suæ fortitudinis uirtutes ediderunt. Quilibet eorum quinque militum stipendia accipit. Eorum fere quadringenti sunt.

MVTA

ALI TYRCICIS
MVTAPHARAKH.



MVTAPHARAKH, sunt filii magnorum Principum, ministri Imperatoris, ampla fruuntur libertate, nullum onus sustinent, præterquam quod Imperat: Turcico astant, eum obseruant & comitantur.

C 5 CZAUSI

DE ORDINE BEL-

CZAVSI.



CZAVSI, Clavas in manu gestant,
exercitum ordinant & dirigunt. Principi
praeuent in exercitu, eic⁹ uiam præparant,
sicut infra rursus dicetur. Sunt eorum tre
centi. Horum opera Turcicus Imperator
uti etiam solet in legionibus.

GIM-

LI TVRCICI.

GIMLIE.



GIMLIE milites præcursores sunt,
qui uelocissimos equos habent, ac cum ne
cessitas postulat, magnum spacium una no
nte absoluere & confidere possunt. Sunt
loricis circundati, clypeo, hastis, & curuis
gladijs pugnant,

ALCAN.

DE ORDINE BEL.

ALCANTZI.



ALCANTZI, Equites infimí ordinis, sunt crudelissimi uastatores & depopulatores, qui cum in bellum solummodo commodi sui causa proficiscantur (nihil enim manubiarum aut prædæ ab his repeti solet) igni ferroq; cuncta uastant. Magna est eorum multitudo, nam excedunt numerum triginta millium.

MEK-

LI TVRCICI.

MEKHTER.



MEKHTER, ministri Princípis Turcici sunt, qui ad expurgandas & ornandas domos Turcici Imperatoris sunt destinati, Tapetiorum & aulæorum curam agunt. Hj tentoria custodiunt Imperatoris, quando in bellum proficiscitur Imperator Turcicus.

ASAPPI.

DE ORD: BEL: TVR:

ASAPPI.



ASAPPI pedites suntin emittendis
sagittis peritissimi, missi a ciuitatibus Tur-
cicis, ut tempore belli auxilia prestant Tur-
cico Imperatori, singuli eorū singulis men-
sibus, ternos aureos Turcicos, pro stipen-
dio accipiunt.

DB

DE TVRCARVM
MORIBVS EPI-
TOME,

BARTHOLEMAE O GEOR-
gieuiz Peregrino Autore.

IOANNIS GOTTSAL-
CI BRABANTINI POETÆ LAV-
REATI IN LAVDEM AV-
TORIS.

Qvod uarios homines, uarias quod uiderit ura-
Neritij nomen notaq; fama dabis. (bes
Raptus at à Turcis in uincula Bartholemeus:
Neritio errauit per loca plura duce.
Hic Asianorum, atq; Arabum distractus in oras,
Quæ tulit est testis dira wevia comes.
Ille Ithacem inter iactatus, & Ilion inter,
Clarior ingenio est factus Homere tuo.
Hic maris, & terræ discrimina maxima sensit:
Ille sed expertus, sola pericla maris.
Quid multas hic dignus quem laudet Musa Ma-
Meonij uatis dignus & ore boni. (ronis:
PIO

PIO ET CHRISTIA
NO LECTORI BARTHÓ
lemus Georgieuz Peregrinus Hie-
rosolymitanus S. D. P.

SÆVA DISCORDIA, ET
Principum nostrorum intesti-
na bella hoc mihi Peregrino
pepererūt Christiane Lector,
ut omnibus bonis spoliatus,
catenis uinctus, per aspera atque lubrica
Thraciae, Asiaq; minoris loca, ut iumentum
aliquid, oppidatim, uicatum, & plateatim
uenum ductus: ad grauissima, uariaq; rusti-
ca negocia septies uenundatus: ibiq; sub
Turcica ac rustica ferula & aspera discipli-
na, in fame & siti, in frigore & nuditate sub
dio cubans, gregem ouium armentaq; pa-
scere, agriculturam exercere, equos curare,
militiaeq; artem discere compulsus sim. Vn-
de capta fuga, glandibus, herbis agrestibus
earumq; radicibus amaris, modico sale con-
ditis uictitans, in solitudine arctico polo
duce errans, inter uoracissimas feras uersa-
tus sum. Hellesponticum mare, trabibus
fune colligatis, trajectere conatus sum, tan-
dem captus, ad herum reductus, manibus ac
pedibus ligatus, in terram prostratus, fusti-
bus duriter cæsus, postea ad mangones at-
que

N V N C V P A T O R I A:

que lanistas uenum reiectus: ita ut tredecim
annorum spacio, aduersæ fortunæ fluctibus
agitatus, sub Imperio Turcarū multas mi-
serias, calamitates, afflictiones, & persecu-
tiones pro fide Sancta Catholica experiri,
patiq; coactus sim.

Qui quum illa magis compendiosa uia,
hoc est per Thraciam, tantam tyrannidem,
grauissimam seruitutem, & crudelissimam
infidelium afflictionem effugere nequiuif-
sem, alia uia uidelicet antarcticum polum
uersus, per Caramaniæ, ac Syriæ deserta &
periculosisima loca fugiens:

Per uarios casus, per tot discri-
mina rerum,

In terram sanctam, ad fratres Dñi Franci-
ci Hierosolimæ in monte Syon habitantes,
perueni. Inde post cursum unius anni, qua-
si a mortuis (Diuina uoluntate) suscitatus,
illiusq; uoracissimi & insatiabilis draconis
orco, & faucibus eruptus, eiusq; tormentis,
& supplicijs liberatus, fratribus meis Chri-
stianis, illarum poenarum certissimus nun-
cius ueni: ut dignam suorum scelerum, atq;
errorum poenitentiam facerent, ne & ipsi in
eum tormentorum, ac cruciatuum locum
ueniant: ut etiam intelligent, quo in odio
D esse

N V N C V P A T O R I A.

esse debeant hi, qui Christianum gladium,
nostrarum miseriarum futurum vindicem,
iam ante tot secula, tam fidelium, quam e-
tiam infidelium, prophetico ore predictum,
& ad illud Sathanæ regnum destruendum
& demoliendum prædestinatum, ab hac
sanctissima & diu desiderata expeditione,
remorantur.

Quum igitur post terræ sanctæ peregrina-
tionem, occidentalium quoq; partium,
loca uisitando, illarum crudelitatum tragœ-
dias, leuiter delineassem, nec non alia, quæ-
dam quæ aut quotidiana conuersatione, &
experiencia longoq; usu, in aula & militia
Turcarum Imperatoris existens didiceram,
uel quæ doctiores & sapientiores eiusdem,
legere, seu recitare audiueram, uel à seniori-
bus (olim dicta aut lecta) ratiocinari intel-
lexeram, memoriacq; commendaueram:
singula breuiter, ac fideliter in diuersis locis,
& diuersis temporibus conscripta, particu-
latim diuulgassem, & postea à me diuulga-
ta, per doctos probosq; uiros in uaria idio-
mata traducta, & publicata comperijssem,
eacq; necessaria, & quodammodo utilia, &
grata lectoribus perspexissem, omnia in u-
num fasciculum collegi: nunc uero in me-
liorem

E P I S T : N V N C V P A T .

liorem formam redacta, tibi ea optime ac
Christiane Lector legenda offero.

Tu igitur exemplo C H R I S T I saluato-
ris (qui illius pauperculæ uiduæ munuscu-
lum offerentis, tot Principum preciosis
muneribus prætulit) hoc exiguum
munusculum affliti peregrini,
æqui boniq; consulere ue-
lis. Vale. Romæ L.
dibus Septem-
bris,
M. D. LII.

D 2 DE

DE TVRCARVM
RITV ET CÆREMO-
NIIS CAPITVLVM.

Et primo loco de Templis, seu
Meschitis eorum.

HABENT Templia satis ampla, &
sumptuosa, ipsorum lingua Meschit
appellata, in quibus nullas prorsus imagi-
nes uidi, præter hæc uerba inscripta Arabicæ
lingua, uidelicet, La Illah Illelah, Mehemet,
Iresul, Allah, Tanre Bir Pegamber Hach : id est,
non est Deus nisi unus, Mehemet autem
propheta eius : Creator unus, & prophetæ
æquales. Vel hæc, Fila Galib Illelah, id est,
non est fortis sicut Deus. Deinde conspicitur
magna abundantia lampadum ardenti-
um oleo, totum Templum dealbatum, pa-
uimentum storeis stratum, ac desuper tape-
tis ornatum. Circa Templum turris miræ
altitudinis, quam eorum sacerdos tempore
orationis ascendens, uoce alta, digitis in au-
res insertis, hæc uerba ter repetit Allach Hech-
ber, id est, Deus uerus unus. Audito clamo-
re conueniunt in Templum nobiles & oci-
osi, tantum deuotioni astricti. Deinde pre-
dictus Sacerdos descendens orat cum illis,

idq;

RITV ET CÆREMO:

idq; ex officio facere debet quinque inter
diem & noctem. Quicunq; uero ueniunt ad
orationem, debent abluere manus, pedes, &
pudenda : postremo ter spargunt aquam
super capita, recitando hæc uerba, Elhemdu
Lillahi, id est gloria Deo meo. Deinde, exu-
tis calciamentis Patmagh dictis, ijsq; ante
ianuam Templi relictais introeunt, alij nudis
pedibus, alij habentes munda calciamenta
Mesjh uocata, quibus non palpant terram.
Foeminae nunquam congregiuntur cum ui-
ris, sed seorsum certo in loco, prorsus abstru-
so, à uirorum conspectu, & auditu : ipsaq;
rarius Templum frequentant, ut tempore
Bairam paschatis, nonnunquam diebus ue-
neris, quæ Gsumaagun eorum lingua uoca-
tur, oratq; ab hora nona noctis usque ad du-
odecimam, ut puta medianam noctem : atq;
inter orandum corpus continuo agitatu, &
uociferationibus mirè affligunt, ut saepius
uiribus & animo defectæ, in terram pronæ
concidant, & si aliqua ab eo tempore se gra-
uidam senserit, spiritus sancti gratia impræ-
gnatam esse affirmat. Cumq; pariunt, ab
ipsis natæ Nefes Oglu, id est, Animæ, uel Spi-
ritus sancti filij appellantur. Ita mihi nar-
ratum est à pedissequis earum : nam nec ip-
se uidi, nec aliquis uirorum huic spectaculo

D 3 inter-

CÆREMONIIS.

interesse potest. Virorum autem orationibus cum hero meo sæpe interfui, quibus mos hic est. Inter orandum pileos suos (qui Tsalma illorum lingua uocantur) non deponunt, sed summis digitis attingunt, quasi eleuaturi, genibus incumbunt, & terram sæpe deosculantur. Christianum eorum sacrís interesse nepharium putant, credunt enim ab hominibus (ut ipsi aīunt) illotis, sua templa contaminari, quippe Christiani non usurpant illorum more frequentia lauacra. Ibi Sacerdos illorum suggestum ascendit, ac ad duas circiter horas concionatur: peracto sermone ascendunt duo pueri, qui cantando suas preces pronunciant. Peracto eorum cantu, incipit Sacerdos cum toto populo submissa uoce cantare, quassando corpus in latus, nihil aliud præter hæc uerba, La Illah Illellah, id est non est nisi un9 Deus, sic media ferè hora personat, ac mouetur. Huiusmodi autem oratiōes, et cæremoniæ, ut cantus, prædicatio, non fiunt singulis diebus, nisi tempore Quadragesimali & die festiuo, utputa die Louis, ab hora nona noctis, usq; ad duodecimam. Et ipsa dies Veneris, à quibusdam religiosissimè colitur.

DE

DE TVRCARVM

DE QVADRAGESI,
ma eorum.

HABENT etiam Quadragesimam sua lingua Orutz appellatam, ieunantes unum mensē, & unam hebdomadā singulis annis, at non semper eundem, sed si (uidelicet hoc anno) ieunauerint Ianuariū, sequenti Februariū, pergentes serie, ita ut duodecim annorum decursu annum, & duodecim hebdomadas loco decimæ offerant Deo. Cum ieunant, toto die nihil gustant, ne panem quidem, aut aquam. Deinde uisa stella, licet illis omnia manducare, præter suffocatum, & porcinas carnes. Suffocatum ab eis, Murdar, id est, cadauer siue immundum, & porcus Domutz uocatur. Quadragesima peracta, Pascha celebrant, eorum lingua Bairam uocatum, magna cum solennitate per triduum, oblinientes unguis manuum & pedum certo ceromate ab eis Chna appellato, quod unguis rutilos efficit: eadem quoque tintura caudas equorum & pedes imbuunt, hic color tenacissimè heret, nec ablui, aut extergi potest: quamobrem nisi noui à radicibus unguis exierint, semper rutilantes apparent, sed de manibus frequenti lotione potest deleri.

D 4 Mulieres

DE TVR. CEREMON:

Mulieres non solum ungues, sed & manus,
atque pedes illo ceromate imbuunt.

DE CIRCVNCI-
SIONE.

VTuntur circuncisione eorum lingua
Tsuneth dicta, non octaua die more lu-
dorum, sed quamprimum natus septi-
mum aut octauum annum exegerit, sermo-
nis iam peritus: idqz ipsi mysterium est,
propter uerba confessionis, quæ ante cir-
cumcisionem requiruntur, erecto pollice
manus Parmach dicto, hæc uidelicet, quæ
supra ostendimus in templis descripta. Pu-
er ob id non defertur in templum, sed in do-
mibus parentum circunciditur. Huic solen-
nitati saepè interfui, quæ ita se habet. Primò
conuocatis amicis ad conuiuium, quibus
satis delicata parantur fercula, ex omni ge-
nere carnium, quo ipsi uesci licet, & passim
(ut apud ditiores) bos cæditur, in hunc ex-
coriatum & exenteratum includunt ouem,
in qua gallinam, & in illa ouum, quæ inte-
grè assuntur ad splendorem illius diei. De-
inde inter epulas tempusqz coenæ adduci-
tur puer circuncidens, cuius medicus il-
lius artis glandem retegit, & replicatam pel-
lcm

CÆREMONIIS.

Iem forpiculis apprehendit: deinde quod
metum adimat puero, ait se in proximum
diem circumcisionem peracturum, atque ita
discedit: mox simulans, quasi omissum a-
liquid esset, quod ad præparationem attinet,
ex improviso præpucium abscondit, uulne-
ri parum salis, & bombasini apponens, iam
uocabitur Musulman, id est, circuncisus. Et
die circumcisionis non induntur illis nomi-
na, sed ipso die natali, quo in lucem edun-
tur, quæ talia sunt, & primo Regum, ut Sule-
iman, Solomon interpretatus. Sultan Scelim,
id est princeps pacis, Murath begh, id est, de-
sideratus dominator. Mutstafa & similia.
Ducum, Pirin, Hairadon, Hader, Ebrahim. Do-
minorum humilioris conditionis, quem-
admodum sunt Spahalar, Sauslar, Emmler,
Behram, Memmi, Mehemet, Alli, Ahmat, Tcie-
lebi, Paiazith, Chatsun, Hutscref. Cæteris om-
nibus, Mutfa, Ionutz, Schender, Perhat, Ferro.
Captiuorum ac seruorū maiori ex parte Se-
remeth, quod nomen significat audacem, at-
que uelocem. Postea continuato trium
dierum conuiuio, circuncisus ducitur in
balneum, cum maxima pompa. Cum redit
domum, ducitur per conuiuas, qui pa-
rata illi munera offerunt: Alij uestes serice-
as, alij ciphos argenteos, alij pecunias, uel

D 5 etiam

DE T V R C A R V M.

etiam equos. Mulieres quoq; industria, suda-
riola, & alia huiuscemodi. Iuxta uolunta-
tem & opes unusquisque coniuuarum do-
nat. Foeminæ non patiuntur circuncisio-
nem, sed tantummodo iam dicta uerba con-
fitentes, Musulman efficiuntur. Si autem ex
Christianis quispiam sua sponte confessio
Mehemmeto circuncidí se patiatur, quod se-
pe contingit, propter grauissimum iugum,
& onus tributi, talis ducitur per omnes ui-
cos atque plateas ciuitatis, summo cum ho-
nore, & gaudio populi sonantium tympa-
na: ipsi quoq; dantur munuscula, postea
immunis efficitur a solutione tributi, Ha-
racs eorum lingua appellati. Et cupiditate
huius lucri, multi Græci, quos Vrunlar, &
Albani, quos Arnautlar uocant, circunci-
dantur. Si quis uī compulsus, ut puta qui
Musulmannum feriret, uel uituperio affice-
ret, aut Mehemmetum blasphemaret (quod
uidi Episcopo cuidam Græcorum sectæ,
contigisse) circunciditur, illi nihil datur: a
tributi tamen solutione liber erit, sicut &
cæteri Musulmanlar, id est, Circuncisi.

DE S A C E R D O T I B V S E O R V M.

Sacerdotes uero, illorum lingua Talis-
manlar

CÆREMONIIS.

manlar uocati, parum uel nihil differunt a
laicis, nec etiam a proceribus cæremonia-
rum, (quales apud nos sunt Episcopi) nec
magna in ipsis doctrina requiritur, satis erit
si Alcoranum, & Mussaphum nouerint le-
gere. Illi autem qui etiam interpretari se-
cundum textum nouerint, peritissimi ha-
bentur: quoniam non uulgari lingua Tur-
cica, sed Arabica a Mehemmeto sunt tradi-
ta, quod nephias esse putant, si uulgari lin-
gua interpretata describerentur. Eligun-
tur isti Pontifices a populo, stipendium au-
tem a Rege pro labore accipiunt: Vxores
habent, & habitum ut seculares. Si stipendi-
um non sufficit propter multitudinem li-
berorum, mechanica tractant, ac libero eti-
am homine digna attingunt: præficiuntur
scholis, aut libros describunt. Apud illos
sanè nullos uidi typographos, sed chartam
optimè parant. Alij alium quæstum faciunt,
ut sartoris, futoris, & similia.

DE MONACHIS

Non desunt illis Monachi Deruislar uo-
cati, uarij quidem ac in primis triplicis
ordinationis. Primus ordo talis est, qui ni-
hil proprij habentes, quasi nudi incedunt,
præter pudenda pellibus ouinis tecta: &
tempo-

D E T V R C A R V M

tempore frigoris ad cooperiendum dorsum similiter pelle utuntur: latus, manus, pedes, & caput nullo prorsus tegunt uestimento. Exigentes Eleemosynam tam à Christianis, quam à Turcis, Alahici petentes, quod significat, propter Deum. H̄i deuorata herba *Maslah* uocata, in rabiem aguntur, adeò ut per pectus totum in transuersum uulnus ducant, itidem per brachium uel nullo dolore dissimulato, & fungum arborum incensum capit, pectori, manui superpositum non remouent, donec in cineres resoluatur.

Aliud genus uidi, qui incedunt pertusa uerpa, sive mentula, & inclusu annulo aereo ponderis trium librarum, à coitu disclusi, obseruandam castitatem.

Tertium genus rarò egreditur, sed manent die noctuq; in templis, habentes in angulis templorum, tuguriola, sine calciamen tis, uestimento, discoperto capite, nihil ge stantes, præter unam camisiam, multis die bus ieuni, orantes, ut Deus ipsis futura re uelet, quos rex Turcarum bel lum moturus consulere solet.

D E

CÆREMONIIS.

D E R E V E R E N T I A,

quam exhibent Machometi traditionibus.

T Antam reuerentiam Turcæ Machome ti traditionibus & statutis præstant, ut non solum Deum (quod nostris plerunque accidere) non blasphemant, immo schedam quomodocunque scriptam in terra iacentem si reperierint, erectam, & saepius deosculatam, in rimam aliquam parietis positam, obstruunt: dicunt peccatum esse, si literæ quibus nomen Dei & lex Machometi describuntur, pedibus conculcentur. Et nemo audet Christiano, uel alterius fidei seu religionis homini uendere Alcoranum, aut alia eorum scripta, ne abiecta palpentur pedibus, uel immundis manibus contrectentur, alioquin capit, poena plecterentur, Quare in hac re nobis profecto meliores dici possunt.

D E S C H O L I S
I P S O R V M

H Abent quoq; loca ad instituendum *Ochumachgirleri* eorum lingua appellata, & suos Doctores quos *Hogialar* uocant, tam masculos, quam foeminas, separatim

DE TVRCARVM

tim tamen instituunt, masculi masculos, & foeminæ foeminas, Astronomiam, Philosophiam, Artem poëticam. Inter discendum clara uoce clamantes, ad latus corpora mouent. Musicam non norunt artificialem, sed singunt carmina ad præscriptas regulas, que ita se habent. Quodlibet carmen undecim debet complecti syllabas. Placuit itaq; exempli gratia hæc pauca inferere.

CARMINA AB IPSIS BETHLER DICTA.

Birechen bes on eiledum derdumi
Iara dandam istemiscem iardumi
Terch eiledum zahmanumi gurdumi
Ne ileim ieniemezum glunglumi.

Sunt enim carmina amatoria, Deæ ipsorum lingua Aſih uocatae, id est, Deæ amoris, quorum interpretatio hæc est de uerbo ad uerbum.

Birechen, id est, ex una. bes, id est, quinq; on, id est, decem. eiledum, id est, feci. derdumi, id est, tribulatione mea.

Iara dandan, id est, à creatore. istemiscem, id est, postulaui. iardumi, id est auxilium.
Terch eiledum, id est, neglexi zahmanumi, id est,

CÆREMONIIS.

id est, patriæ meæ. gurdumi, id est uisitatiōnem.

Ne, id est, Quid. ileim, id est, faciam. ieniemezum, id est, non possum uincere. glunglumi, id est, mentem meam.

DE MATRIMONII CONTRACTIONE.

Matrimonium eorum lingua Eulenmech uocatum, tale est. Coeunt nuptiae si ne iuramento, accipiunt plane indotatas, propemodum emere coguntur, contrario (quām olim apud Romanos) more, ubi gener emi solebat, non nurus. Nihil habet sponsa in corpore cultus uel ornamenti, quod non cogatur à foceris redimere. Diuortium apud illos faciunt improbi mores, uel infecunditas: cognoscit de ipsis rebus iudex ipsorum. Inter seruos emptos etiam matrimonium permittunt, sed geniti ex illis uernæ fiunt.

DE PEREGRINATI^E ONE ILLORVM.

Peregrini, eorum lingua Hagſilar appellati, loca ab ipsis sancta habita inuisunt, uide-

DE T V R C A R V M

uidelicet Mecham, Medinum, ut nostri Hierosolymam, ibi aiunt Mehemedum obiisse: sed non minus quæstus gratia quam religionis & deuotionis. Ibi uiso calcamento Tsaroch uocato, quod inauratum solummodo à testudine templi pendet, coemptis subtilissimis telis, Chumas dictis, in patriam regrediuntur magno cum lucro. Et cum redierint, alijs uectant deuotionis gratia aquam in utribus plateatim, idq; obuijs siuentibus gratis offerunt, alijs rem suam agunt, & si qui in itinere pereunt quocunque modo, etiam si non ueniant Mecham: nihilominus in peregrinorum numero habentur.

DE M I R A C V L I S

Machometi Mecheç factis, & que modernis quoq; temporibus, aiunt eum facere.

Nescio miraculane uel miraculosas nugas potius dicam, quæ sunt scripta in eorum libro Mehemedini dicto. Aiunt enim, quod sibi etiam persuasum habent, quod cum Mecha extrueretur, Deum per Machometi preces montibus iussisse, ut lapides ad ædificandum Mecham quisq; adferret: cumq; quisq; montium decimam lapidum

CÆR E M O N I S.

pidum attulisset, & ex his Mecha extructa, & completa fuisse: quidam mons Araphat dagh dictus, quem cæteris, ex longinquoribus partibus ueniens tardior esset, & Mecham extructam uidisser, cognouissetq; eius lapidibus opus non esse, coepit flere amare. Quem quum Machomet flentem uidisset causamq; eius doloris intellexisset, dixit: Esto bono animo, inquit, & noli tristari, sed depone in eo loco, illi demonstrato, decimam tuam: & quisquis super eum lapidem non orauerit, illius peregrinatio inutilis, ingrataq; fiet. Et percuslit Machomet lapide pede, & eduxit ex illo aquam ad potandum inutilem, imposuitq; illi nomen Abzemzem sui, id est, purificationis aqua, ex qua omnes eorum peregrini in uasco secum domum deferre solent: & dum quispiam eorum moritur, uestimenta quibus cadauer ab eis inuoluï debet, ea aqua asperguntur in remissionem omnium scelerum eorum.

Dicunt etiam, quod nemo potest Mecham uenire, quin aduentus eius Machometo sit cognitus, qui postea custodibus (qui omnes sunt eunuchi) per eum reuelatur: & si talis Hagij, id est, peregrinus raptor fuerit

E aut

DE TURCARVM

aut sceleratus, seu Christianus, uel alterius religionis homo, dicti custodes prohibent illi Mecham ingressum. Cæterum cädauer eius ibi non est, ut quidam aiunt, sed forma imaginis in muro templi, persona Machometi impressa: illam deosculantur, & ita domum redeunt. Talia enim sibi mendacia loco miraculorum illi infideles per Machometum habent persuasa: & multo magis ridiculosa, quæ profectō pudet me hic adferre. Velim tamen ut generosus lector interrogaret aliquem Turcarum, si ita se se res habent, tunc affirmabit peregrinum meram ueritatem narrare.

DE ELEEMOSYNA EORVM.

Habent xenodochia Imareth appellata, ex testamento Regum condita, ubi datur cibus pauperibus atque peregrinis, sed alibi aliis. Sunt qui dant orizam Pirimēts Tsorba dictum cum carnibus: alibi Boghdai, qui sit ex tritico, pro obsonio: additur panis satis magnus: potus quem præbent est aqua. Cæterum pernoctandi ibi aut dormiendi locus nulli conceditur, sed habent alium pernoctandi publicum Charuatsanrie, ubi

CÆREMONIIS.

ubi gratis recipiuntur hospitio: non habent tamen lectos, sed in sceno uel stramine sub tecto dormiunt.

DE VICTIMIS EORVM.

Immolant etiam uictimas, sed plerūq; uictiuas Chorban tam Turcica quam Arabica linguis uocatas, in morbo enim aut periculo ouem uel bouem, pro cuiusque opulenta in, certis locis se sacrificaturos promittunt, uoti deinde uictima non comburitur in holocaustum, ut Iudeis mos est, sed mastato animali, cutis, caput, pedes, & quarta pars carnis sacerdoti præbetur, altera deinde pars datur pauperibus, tertia uiciniis. Cæteras reliquias ipsi uictimatores sibi, & comitibus parant ad uescendum, neq; tenentur uoto, si è morbo uel periculo crepti non fuerint. Omnia enim illorum conditio nalia sunt: dabo si dederis. Similis etiam apud Græcos & Armenios, & cæteras nationes Asiaticas Christianæ religionis cultus obseruatur.

DE LEGATIS ET TESTAMENTIS.

E n Si

DE TURCARVM

SI quis ex Musulmannis moriens testamento condere constituit, talia ferme legata fiunt, adhibitis amicis & uiciniis: ut aut riuos deducere ex longinquis partibus ante aliquod hospitale, aut templum, siue in locum aridum, qui frequentatur ab hominibus. Hairiti, id est, pietatis gratia, Grianiti, id est, pro anima. Alij captiuos, & emptitos seruos legant liberos faciendo. Mulierculae autem (ut hoc genus præ ceteris superstiosum est) legant pecuniam militibus, pro certa caede Christianorum. Id putant magnò ad salutem suæ ipsarum animæ prodesse. Reges uero templo, hospitalia, extruenda constituunt, & alij si qui sunt potentes.

DE CÆREMONIIS DEFVNCTORVM.

VBI quis moritur ex ipsis Musulmaliis masculis, tunc masculi funus curant: si foemina, foeminæ. Abliunt cadaver, ac nitidissimis lineis induunt, postea efferunt extra urbem in locum aliquem: nephas enim est in templis sepelire. Procedunt corosrarj cum candelis Monachi illorum, subsequuntur sacerdotes cantillantes inter-

CÆREMONIIS.

tim, donec ad sepulturæ locum perueniant. Quod si pauper fuerit ille defunctus, pro laboribus religiosorum plateatim collectæ pecuniae solent illis offerri.

DE AEDIFICIO SE- RVLCHRI TVLBE DICTO.

Conditorio superaedificatur (utputa Regio) templum, ipsi enim Reges in urbe sepeliuntur: Diuitum & pauperum instar altaris in eam altitudinem, ut bestiæ insultare, aut locum conspurcare non queant. Sæpius eò cum luctu redeunt, & inferias ciborum monumento superposito, panes, carnes, caseum, oua, lac, nouendialis coena, more Ethnicorum, pro anima defuncti deuotatur a pauperibus, aut auisbus coeli, & formicis. Dicunt enim æquè gratum esse Deo, offerri eleemosynam tam brutis egentibus quam hominibus, cum ob amorem Dei offertur. Multos uidi, qui auiculas reclusas, data pecunia ualoris auiculae, euolare iussint, alios panem piscibus in flumen proiecere amore Dei, dicentes se pro tali pietate erga egentes mercedem amplissimam a Deo conse- cuturos.

DE TURCARVM

DE MILITIA

E ORVM.

Habent omnes unum Regem qui illorum uocabulo Huncher Othmanlardan Sahisultan Suleiman, modernus ita appellatur ab eis, id est, Imperator ex Othomanis Sahi princeps Solomon, qui nunc habet filium primogenitum usq; vigin*t* (uel circiter) trium annorum Mut*ta*fa uocatum, excellentem fuos antecessores tyrannide, atque crudelitate, saepe insidiantem patri, ut si quomodo posset illum occidere, ob libidinem dominij. Sed quomodo a patre interfec*t*us sit, in fine huius libri dicetur.

Habet Rex sub se duos duces sive Satrapas Tsangiac Begler uocatos, Europaeam & Asiaticum, quibus subsunt praesides minores Timargilar dicti, quorum imperij parent milites ordinarij, qui si cessant dum ad expeditionem euocantur, suspendio poenas luunt. Bassalar qui interpretantur capita, plures sunt: i*n* propter consilium semper Regem comitan*t*ur. Suliatarlar quoq*b*, qui sunt stipatores corporis illius, semper post ergum eius succedere solent, una cum C^apugtsibegler, id est, cubicularijs. Iazitgtsibegler,

RE MILITARI.

ler, id est cancellarijs. Eminler, id est, tributi exactoribus, uidelicet puerorum, & pecuniarum. Spahalar, id est, leuis armaturae militibus equestribus, multis Vlachlaris, id est, nuncijs: & alijs huiusmodi continuè aulam sequentibus.

DE CONDITIONE
PROCERVM.

N*Vllus* ex Satrapis possidet prouinciam aut ciuitatem aliquam iure hereditario, quam post obitum liberis vel suis successoribus possit relinquere sine consensu sui regis. Sed si aliquis Ducum, vel principum certas possessiones cupit habere, id illi conceditur hac conditione: Initur ratio precij, & reddituum illarum possessionum. Cognoscit & Turca, quot milites alii annuo illo censu possint, tunc satrapa illi cogitur habere illum numerum militum semper promptum, ad omnia imperata, alioqui capite plectitur: Nihilq*e* eum a belli comitatu potest excusare, quam sola aduersa ualitudo. Et si quando Turcae placuerit eum priuare tali beneficio, in eius est libertate: si autem non deponitur, suum est usq*e* ad mortem. Post obitum, si successores defun-

DE TURCARVM

At pactum obseruare uoluerint, admittuntur; sin secus, alijs prouidetur. Si aliquando aliquis istorum procerum cum rege loquitur, oculos humi defigit, non audens illius uultum contueri.

DE BASSIS, QVOS

Consiliarios, seu Cancellarios, aut potius Secretarios possumus intelligere.

OMNES Bassae plerunq; sunt eunuchi (prout mihi narratum est cum esse mancipium cuiusdam Constantinopolitani satrapæ) qui sunt cæteris eius proceribus, exceptis Sangiachis, potiores apud Turcam, & omnes ferè ex raptis Christianorum filii in eam dignitatem prouehuntur. Nullus tamen eorum etiam si habeat filiam Turcæ in uxorem, ut Hrustan Bassa habet, donatur castello, pago, seu uilla, quod haeredatio iure possideat; sed si in aliquam dignitatem effertur, illam uel ad mortem, uel donec Turcæ placet, habet.

DE OBEDIENTIA

quam Turcæ suo Regi præstare coguntur.

Nemo

RE MILITARI.

NEMO neque ex Ienitseris, uel Proceribus armatus, uel gladio accinctus, habet licentiam per ciuitatem incedere: nisi quum Turca uenandi aut orandi gratia palatium egreditur, & si qui sunt custodes ciuitatis aut officiales, baculos gestant: qui ubi litigantes, uel alteri injuriam seu calumniam inferentes reperiunt, fustibus eos puniunt. Nec quispiam illi loquens, audet eius faciem intueri, sed in terram procidens deosculatis pedibus eius, fixis in terram oculis sibi loquitur.

Et dum Veredarios cum literis suis, ad aliquos rectores prouinciarum mittit, quorum equi in itinere ubi defatigati, & ueloci cursu lassi fuerint, facultatem habet Veredarius quoquacumq; in uia repererit, equis deicere; qui si in itinere neminem offendit, ad Ciuitates, uel pagos diuerit, Cadiam, id est iudicem aggreditur, qui, si illi equum non inuenerit, ante ostium domus suæ suspenditur, & hanc ab causam pauci equis, sed a suis utuntur. Et quum talis Nuncius ad eos, ad quos missus est perueniret, a quibus honorifice exceptus, literis eorum Regis magna cum humilitate acceptis, & deosculatis, mandatis eius mira celeritate exequitis, di-

E s mitti-

DE TVRCARVM

mittitur. Nemo ibi princeps qui illi contradicat, nulla Prouincia uel Ciuitas (ut sit apud nos) quæ rebelleret, nullus demum qui illum non timeat.

QVO PACTO TVRCÆ VIRES DIMINVVNTVR.

T'Vrcarum Imperator ex æquo omnes Prouincias suis Proceribus, ea tamen conditione distribuit, ut eius Prouinciae redditibus miles continue, tam tempore pacis quam belli alatur: nunquam uires occiso milite amittit, nisi amittat & prouinciam. Exempli gratia, si Imperator Turcarum nunc habeat quadringentos milites, quorum centum Hungariae prouentibus sustententur, ibi amissa Hungaria amittit centum milites: si uero nullam amittit Prouinciam & rotum amiserit militem, nihil amisit: quia in eorum loca etiam si plures cupit, inueniri facile possunt: non secus quam apud nos beneficia Ecclesiastica uel alia officia uacantia, facile possessorem inueniunt.

DE CONDITIONE CHAZILARIORVM.

Milites

RE MILITARI.

Milites Chazilar uocati, strenui, & iure militari miro modo exercitati, qui in primo congressu lanceas frangunt cum aduersarijs suis, nulla prorsus armatura, preterquam clypeo, hasta, framea utentes more nostratum, ut puta lorica, galea: sed fractis hastis, euaginata framea, clypeo sese defidentes, uiriliter pugnant, semper capiti, manu aduersariorum insidiantes, aduersarios totis uiribus extingue nitentes. Punctura autem gladij hostem, uel equum ferire, non laudi, sed ignominiae ducitur apud eos.

Hi omnem uitam, & salutem in protectione Fortune Deæ, ipsorum lingua Nasup, siue Cisutara dicta, habentes, cuius apud omnes prouerbium istud celebratissimum est: lazilan Gelur Baſina, quod ita potest interpretari linnua Latina, lazilan,, id est scriptura: Gerlur, id ueniet: Baſina, id est capiti, quasi dicerent, quicquid die nativitatis uniuscuiusvis Fortune Dea capiti inscripsit, id euitare impossibile erit, etiam si latitauerit in arce inexpugnabili. Horum enim gesta carmine in historijs descripta, ab omnibus recitantur, ut & cæteri eadem audacia (honoris & laudis studio exciti) fortiter, & intrepide hostem aggrediantur. Cæterum pro

DE TVRCARVM

pro qualibet uictoria talium, stipendia duplicantur, ita quod omnes prædicti equites debent regem sequi, instructi his armis, lancea, framea, sagittis, clava ferrea: alij habent clypeos, alij non, & semper accipiunt stipendum, tam tempore pacis, quam belli.

DE ORDINE

PEDITVM,

Primus ordo peditum est *Solachlarum*, id est, sagittariorum, tales utuntur arcu, sagittis, frameis, differunt pileis & lenitseris. Secundus ordo est lenitserorum, illi etiam habent arma similia. *Tsolachlarum*, pro arcu tamen & sagittis harcabuso utuntur, & una securi. Tales omnes collecti a Christianis ibi degentibus sub tributo, ut abrepti circuncisi, in loco *Tsarai* dicto, educati, contra Christianos pugnant strenuissime, & habent satis exigua stipendia, uictui: uidelicet alius quatuor, alius quinq; uel sex nummos Abtse uocatos, qui sexaginta Coronatum conficiunt; & hi sub poena uirae non possunt equitare, nisi ægrotent. Reperiuntur etiam ex filiis Turcarum facti lenitseri quam plurimi.

Tertius ordo peditum *Azaplarum* est, quorum

RE MILITARI.

quorum finito bello finitur & stipendium: & sunt omnes filii Turcarum. Tales utuntur longiori hastâ, frâmea, pileos habent rubros, uel alterius coloris ex panno, cum quatuor angulis corniculatis, *Tachia* dictis, & differunt a lenitseris & Solachlaris uestitu atq; armatura: tales perfodiunt hostium equos in bello. Deinde aliud genus peditum ex Vualachia sectæ Græcorum, *Vonichlar* uocati, hi nihil aliud habent stipendijs a Turcâ, quam quod immunes sunt a tributi solutione, & decimis. Tales tenentur ociosos equos Regis Turcarum proprijs sumptibus alendo, curamq; illorum gerendo, ducere tempore belli.

DE TENTORIIS REGIS

TVRCARVM.

CVM Constantinopolim relinquens, duo usurpans tentoria, cognomento *Satorlar*, cum hodie alterum ad proximam mansionem figitur, ut ibi postero die recipiatur. Magnitudo tabernaculi tanta est, ut procul uisentibus urbs uideatur: proximo castrametantur Principes, & ambiunt Regis sui tabernaculum; deinde equites, qui uel singuli,

D E T V R C A R V M

guli, uel terni tentorium habent. Etiam pedestres habent propria tabernacula, id enim ex disciplina habent, ne quis sub dio cubet. Ituro exercitui stratores uiam faciunt, hinc inde collocantes aceruos lapidum, uel strues lignorum, ad indicium uiæ, adeo ut ne intenebris quidem facile erretur. Mouent se media nocte, & usque meridiem sequentis diei in agmine sunt.

Inter equitandum Rex in medio duorum Bassalarum cum illo colloquentes incedunt, quos præcedunt aliquot Ienitserorum ordinis milites in equis, ferentes canellas ardentes: & hoc fit tempore noctis obscuro. Deinde Tsaulsar, id est, Capitanei, clavas habentes ferreas, undique cuspidae, pellunt homines a conspectu Regis, ad iactum, uel cursum sagittæ, ibi Suliharlarm, id est stipatorum copia, inter quos currus cynedis pleni, in usum Turcæ, & Procerum. Subsequuntur & præcedunt iam dicti Duces cum maximo milite equitum, & peditum, & diuersæ conditionis hominum, alijs habentes stipendia, alijs quæstus gratia & lucri, masculi tantum, nullas secum ducentes mulieres.

DE

R E M I L I T A R I.

D E V E C T V R A A N I,
M A L I V M.

Einde sequitur multitudo Camelorum, mulorum, equorum (interdum solent & Elephantes eorum lingua Phil dicatos, deducere) portantes uictualia, tentoria, & similia militi necessaria. Et ubi figitur tentorium Turcæ, ibi iam singula suo ordine tanquam in urbe parari debent. Ibi locus Sartorum, Pistorum, Macellariorum: alijs parant epulas carnium omnium generum, qui si non potuerint habere carnes recentes, tunc exponunt ea quæ ab animalibus uehuntur, uidelicet, panes bis coctos, carnes siccias, Pastarma dictas, caseum, lac coagulatum. Sunt enim patientissimi famis, sitis, frigoris.

Raro hospitantur in urbibus, sed in agris sub tentorijs, circa foenilia & riuos, maiorem gerentes curam animalium, quam sui ipsorum, paruo & satis usli cibo contenti, uidelicet, dicto lacte coagulato aqua temperato, & immisso pane, uel recenti, uel bis cocto, serui pariterq; domini. Ibi silentium tempore noctis magnum, adeo ut captiuos fuentes negligant, ne clamor excitetur, ob poena

DE TVRCARVM

poenam iniunctam : sed cum uadunt cubitum, & cum surgunt ad proficiscendum, omnes alta uoce clamant haec uerba, ter repetentes, Allah Allah Allah, id est, O Deus, ter repetitum.

DE IVSTITIA QVÆ EXERCETVR IN BELLO.

Tanta severitas disciplinae sit in bello, ut nemo militum auscit aliquid iniuste rapere, alioquin sine misericordia puniretur : habentur enim inter eos ordinarii custodes, siue defensores earum rerum, quæ in uia occurunt militi, ut pueros octo uel decem annorum portantes uehales panes, oua, fructus, aueniam & similia. Tementur quoq; defendere dicti praefecti hortos fructuum circa uiam sitos, adeo, ut nec ipsi audiant unum pomum, uel huiusmodi simile, sine licentia possidentis carpere, alioquin & tales capititis poenam luerent. Cum esset in exercitu Turcæ in expeditione contra Persas, uidi Tspahiam una cum equo, & ministro decollari, quod solitus equus arua cuiusdam ingressus fuerat.

DE

RE MILITARI.

DE FESTO CELE, BRANDO OB VICTORI AM TVRCÆ.

Cum renunciatum fuerit de uictoria, in omnem laetitiam sese effundunt ciuitates. Noctu autem sub primam facem, auspicantur triumphalem istam festiuitatem, funeralia cereæ tedæ, faces, ubiq; disponuntur : stragulis, aulæis, uestibus holosericis ædes uelantur, & uia, qua intraturus est Imperator Turcarum. Triumphum autem uerum reportat Constantinopolim, ubi continue residet, si non agit bellum in alias regiones. Legibus tamen tenetur tribus annis elapsis ipsem fuscipere expeditionem in regiones Christianorum, pro amplificatione regni, uel defensione,

DE VENATIONE EORVM.

Nulla natio sub Sole tantum gaudet uenatione, quantum Turcica. Penetrant enim insequendo feras loca aspera & montuosa in equis, capientes diuersa animalia, & si animal extinctum à canibus suffoca-

F tum

DE TVRCARVM

tum fuerit, illa non uescuntur neque ipsi, sed nec Christiani inhabitantes illas regiones. Et si casu occidunt aprum, dant illum Christianis illarum regionum, quia Musulmanis prohibitum est uesci pororum carnis.

DE OPERARIIS ET AGRICOLIS.

RVSTICI per seruos suos agros colunt, qui decimam dependunt suo Imperatori. Opifices uero artibus mechanicis se sustinent. Qui ocium colunt, fame contabescunt. Mercaturam quoque strenue exercent. Asiam minorem, quam nunc Natoliam uocant, Arabiam, Aegyptum peragrant, ad Venetos sese deferunt.

Balnea in singulis ciuitatibus habent, ubi solenni more, bis, uel ter se lauant. Si redundunt urinam, mutonem sive mentulam lauant. Si uentre soluunt, podicem abluunt: idem fit a mulieribus, quos sequuntur serui, uas aquae plenum gestantes, masculum masculus, & foeminam ancilla. Et cum ex-

AGRICULTURA.

eunt lauatum, mulieres ungunt se quodam genere unguenti, quod post mediā horam pilos cadere facit, uiri ipsi met radunt mutones, nec quoquis modo sinunt crescere pilos, sed singulis mensibus bis uel ter faciunt, tam masculi quam foeminae: & maximē cum tempa frequentant, alioquin ignibus (ut uiolatores sacri loci) traderentur. Habent etiam diuersos artifices, ut sartores, futores, aurii, argenti, & omnis generis metalli fabros, similiter carpentarios, pictores, lapicidas, sed non tam subtilis & præstantis ingenii, ut in istis partibus nostris.

DE IVSTITIA APVD CIVES.

IVDICem omnes habent eundem, tam Christiani, quam Turcae: ex Musulmanis tamen unum electum, qui ex aequo omnibus ius ministrare tenetur. Si quis occidit, ipse quoque mortem subire debet. Si quis furatur, aut uiolenter rapiat, suspenditur. Ut contingit lenifero cuidam, qui mulierculæ cuiusdam portantis in forum uenale liberat, non soluendo precium, cum accusatus coram Iudice negaret factum, pedibus sursum suspensus, chordaq; per medi-

DE TVRCARVM.

um ligatus, lac statim euomuit, atq; illico iudicio strangulatus. Hoc me præsente in Damasco contigit, cum ex Armenia Hierosolymam proficiscerer.

Si aliquis adulterium commiserit, masculus in carcerem coniectus, post aliquot menses pecunia redimitur: & mulier uidelicet adulterata, super asinam uicatim & plateatim ducitur, flagris cæditur denudata, & lapidatur uiscera bouis in collo habens.

DE AGRICVLTVRA.

TAM Christiani, quam Musulmani, agros, uineas, & pascua colunt, habentes frumentum simile nostrarum regionum, triticí, milii, hordei, auenæ, filiginis, fabarum, & omnium generum legumina: insuper oryzam in abundantia, lini, bombacis, plusquam hæ regiones, Vîneta quoq; utræq; gens possidet, fructu eius uarie utentes. Christiani unum conficiunt, & Turcæ mel eorum lingua Pecmez uocatum, uinas passas quasdam ita medicantur, ut semper & uisu, & gustu recentes appareant, has Vzum Turſi uocant.

De fructibus in magna copia habent.

Ibi

AGRICVLTVRA.

Ibi peponum, melonum, cucumerum, suo tempore horti & agri repleti. Ibi nuces, poma, pyra, mala punica, nuces castaneæ, fucus, cerasa, poma narranza, & alia id genus uili precio, sed non in omni regno. Sunt etiam loca ut paſſim in Cappadocia & Armenia minori, ubi nihil horum (propter ualidum frigus) possunt habere.

DE DIVERSITATE ANIMALIVM.

Habent opiliones Sobanlar appellatos, hi semper in solitudine degunt, & ad pabulum singulis fere mensibus sedes mutant, nullas prorsus domos, uel possessiones preter tentoria, & greges armentorum possidentes, sed pascent camelos, mulos, equos, boues, oves, & hoedos: conficiunt caseum, butyrum: tondent lanam, inde faciunt penulas Ghepenech appellatas, tapetia, ea uendunt & inde emunt frumentum, ad uictum suæ familie. Omnes prædicti dependunt decimas Regi Turcarum, de omnibus quolibet anno creatis animalibus. Insuper Christiani sub tributo uiuentes, coguntur dare tributum, uidelicet, de quolibet masculo unum coronatum, & quod est crudelissimum

F 3 mum

D E T V R C A R V M

mum, etiam filios omnes uxores non habentes, uī abripiunt, singulis quincū annis perlustrantes domos eorum.

D E Æ D I F I C I I S D O M O R V M.

IN ædibus non multa magnificentia, plerūq; latericio opere constant, duplice ex materia: sunt enim lateres, alijs fornacibus, alijs sole excocti. Tecta cuneatim coeunt, quemadmodum hic, & hoc in tota Europa: sed in Natolia tecta plana sunt in modum tabulati, sine ullo festigio, sciphones, & cannales aquæ pluviā demittunt, quæ ad illos per Cylindrum deuoluitur.

D E V E S T I M E N T I S E O R V M.

CVltus illis ex materia lanæ, lini, & serici, satis magnificus, ueste Chautan uocata, utuntur stricta, laciniosa, & usq; ad talos prolixia, brachas nostras detestantur, ut nimium pudenda exprimentes. Indusia Gummeliæ dicta, sudariola uiolaceo colore tingunt, caput illis aggestu pepli in turrim ædificatur, & in pyramidem turbinatur, & talis

A G R I C U L T U R A.

lis pileus Tultben siue Salma eorum lingua uocatur. Mulieres diuitium uelata facie incedunt, nunquam alienis uiris uultum appetiunt, nunquam forum frequentant. Calciamenta Babucis uel Cissime dicta, tam uirorum quam mulierum, in solo suppactum habent, ut diutius illis uti possint.

D E C I B A R I I S I L L O R V M.

VTuntur & ipsi quoq; non pessimo pane Echmech dicto, nigro & albo, quemadmodum & nosstrates, sed illi spargunt quoddam genus seminis Sussam uocatum, super recentem panem, postea coquitur, quod tribuit magnam suavitatem manducantibus, quo nusquam utuntur nostri, præterquam in Hispania passim in quibusdam locis, uidelicet in regno Granatae, & circa Ciuiliam. In edulis illis multiplex ars, & uaria conditura: cibus uero maximè solennis est, plus ex oryza, ita addensata, ut partes inde manibus decerpantur. Piscium mira abstinentia. Carnibus omnibus utuntur, præter porcinis. Nullæ ibi tabernæ hospitijs designatae, aut publica diuersoría, quemadmodum apud nostrates, tamen in plateis

DE TURCARVM

plateis diuersa uenduntur cibaria, & alia huiusmodi ad uictum necessaria.

DE POTV ILLORVM.

Triplex illis potus: Primus ex saccharo, ab illis Secher uocato, aut melle diluto aqua Tserbeth, appellatur potus. Secundus ex uuis passis detractis acinis in aqua decoctis, additur deinde aqua rosacea, & aliquantulum ueri mellis, & hic potus Hossaph uocatur, & uenditur ubiq; locorum in Turcia, est enim dulcis & inflat uentrem. Tertius fit ex illo defruito Pechmez appellato, quod ex musto factum, speciem mellis prae se fert gustu & uisu, diluitur enim aqua, & datur seruis ad bibendum.

DE MODO SE DEN- DI, ET COMEDENDI.

CVm manducandum est, subiectiunt stocreas Haeser uocatas, deinde infernunt tapetia, aut puluinaria. Alij in nuda humo discumbunt. Mensa illorum Tsophra dicta, ex corio fit, & explicatur, & contrahitur, ut marsupium. Non assident nostrorum mo-

AGRICULTURA.

re, nec discumbunt ueterum ritu, ut cubito innitantur, sed decussatim pedibus inter se complicatis more sartorum: antequam cibum sumant oratio praemittitur.

Raptim comedunt, & magno silentio, interim omnes uxores in abdito tenent: servi uero post duodecimum annum, non permittuntur domum, ubi mulieres sunt, ingredi, sed infra duodecimum annum pueri ingredientes, & egredientes deferunt maioribus necessaria, qui in alia domo segregati procul habitant. Captiuæ uero non habent licentiam egrediendi foras, nisi cum mulieribus Turcarum cum uadunt in balnea lauatum, uel aliò extra urbem recreationis causa in hortos & uineas (quod saepe facere solent) sed semper in domibus latitantes operantur, nec permittitur illis cum captiuis seruis conuersari, prout suo loco, uidelicet in sequenti capitulo de Afflictione captiuorum, legentes latius intelligere poterunt.

*

F S SALV.

SALVTATIO
TVRCARVM PERSA-
RVM ET ARABVM, HÆC
EST.

Sellam alieh Tsultanum.
Pax tibi Princeps.
Sellam aliech Baba.
Pax tibi Pater.
Sellam aliech Ana. Pax tibi mater, &c. Ita
& alios seriatim secundum dignitatem per-
sonas salutare licebit.

RESPONSI O.
corum.

Alechmi Sellam Rachmatullach.
Et tibi quoq; pacem donet misericors De-
us.
Berehyat tseudigum.
Benedictionem amice mi.

DIALO-

DIALOGVS IN-
TERROGATIONVM, ET

responsum Turcæ cum Christi-
ano. Et primo Turca ad Chri-
tum hoc modo.

Handa gidertsen bre Giaur?
Quo uadis ò Christiane?

RESPONSI O

Christiani.
Stambola giderum Tsultanum.
Constantinopolim uerius pergo Princeps.

T V R C A.

Ne ißum uar bu memleketten?
Quid negotij habes in his regionibus?

CHRISTIANVS.
Bezrgenlik, ederum, Affendi,
Mercaturam exerceo Domine.
uel, Maslahatom, uar, anadolda.
Mihi negotium est in Asia.

T V R C A.

Me habar scizum gilerden?
Quid noui fertur in uestris partibus?

CHRISTIANVS.
Hits neste bilmezom tsaa dimege.
Nescio quid noui scire cupis, ut dicam tibi.

T V R C A.

Hiodassum

DIALOGVS.

Hioaldassum uarmi tsernumle?
Est ne tibi comes?

CHRISTIANVS.

Ioch, Ialanuz, ghelnum,
Non, sed solus, ueni.

TVRCA.

Benumle, gelutmisun?
Mecum placet ne uenire?

CHRISTIANVS.

Irachmider tsernum iataghom?
Est ne procul tuum hospitium?
TVRCA.

Iachender bundan gustereim tsaa.
Prope est, hinc ostendam tibi.

CHRISTIANVS.

Gel ghusteriuere Allaba tseuertson.
Veni ostende, si Deum Amas.

TVRCA.

Kalch iochari tur bona.
Erige te sursum, sta hic.

CHRISTIANVS.

Hanghi darastan der bilmezum
In qua parte est, nescio.

TVRCA.

Tsag eline bacha ghun doghtusine
Ad dexteram respice ad orientem.

CHRISTIANVS.

Bir buch euu atsarhibi

VIIA

DIALOGVS.

Vna alta domus tanquam castellum
gurunur omider?
apparet, illudne est?

TVRCA.

Gerskfon oder, iaken degilmis?
Verus es illud est, prope nonne est?

VALEDICTIO.

CHRISTIANVS.

Alaha tsamarlodach tserni
Deo commendo te,
Ben oraa gitmezom.
Ego illac non ibo.

TVRCA.

Bre neden korkartson? nitcie gelmetson?
He quem times? quare non uenis?

CHRISTIANVS.

Benum iolum oraa deghelder.
Meum iter illac non est.

TVRCA.

Vargeth tsagloga eier ghelmeson.
Ibonis auibus, si non uis uenire.

CHRISTIANVS.

Gegsien hair oltson.
Nox fausta tibi sit.

TVRCA.

Aghbate hair oltson.

Et

DIALOGVS.

Et tibi foeliciar.
Ben kurtuldum tsch succor Allah.
Ego liberatus sum, summa laus Deo.

Hæc pauca Turcicæ linguae uocabula
tibi non necessitatis sed delectationis gratia
generose lector adiunxi: ut scias
quam sint crassa atque barbara.
Faxit Deus Opt. Max ut
illis nostra magis, quā
nobis eorū sint ne-
cessaria. Va-
le.

IOHAN

JOHAN. GOT. CHRI-
STIANO LECTORI.

Afflictum à Turcis uis Christum noscere Lector?
Membra libro hoc Christi dilaniata teges.
Christiadum ut manibus manicas funesq; lacertis,
Et collo injiciat uimacula Turca ferox.
Ut pecudis ritu hos uendat, (si forte quis ager
Occidat, ille feris obuia præda iacet.)
Ut profugi trabibus nantes mergantur in undis
Paxim: bis captos ut mala dira premant.
Fiat ut & Christi mystes agitatur aselli,
Lignum uendat, oves pascat, aretq; solum.
Ut Mahometæ iuuenesq; senesq; tyranno
Annua dependant lege tributa pari.
Ut doleat mater coram sua pignora cernens
Seruitio abduci Rex Solymanne tuo.
Denique tormenta inuenies hoc scripta libello
Horrida, Christiadum que pia turba luge.

DE AFFLICTI
ONE TAM CAPTI
VORVM, QVAM SVB TRIS
buto uiuentium Christianorum

Caput 2.

Quomodo Christiani in bello à Turcis capti distrahantur.

SVSCIPIENTI TVR^a
carum Imperatori, aduersus
Christianos expeditionem, in-
ter reliquos mercatores semper
comes est ingens turba man-
gonum, & lanistarum, camelis insidentium:
hi in spem mancipiorum longissimas cate-
nas secum deferunt, in quibus facilè quin^a
quageni aut sexageni per seriem colligan-
tur. Idem quoq^{ue} non absunt hostilis
gladius, à prædatoribus emunt, quod illis
ea lege permisum est, si Principi decimas
mancipiorum præstent, reliquos ipsis uel in
suum usum, uel ad nundinationem detinere
fas est, nec ulla apud illos uberior aut fre-
quentior mercatura, ut & olim apud Ro-
manos fuit, qui merces nullo uitio emptas,
& in quibus euictio timeri non debuit, res
mancipi appellabant.

Quibus

DE AFFLICT: CHRISTI:
QVIBVS REBVS TVR^a
carum Imperator suos captiuos
detinet.

Senes & utriusq^{ue} sexus iuuentutem, quæ
sillī decimarum nomine obtigit, ita dis-
cernit, ut grandiorem ætatem ad agricultu-
ram uendat, qui tamen rarissime capiuntur:
raro enim eis parcunt, quos ætas multorum
annorum parum uendibiles fecit. Puellas
uero & iuvenes ad certum locum relegant,
qui ipsorum lingua Sarai uocatur, ut ibi cer-
tis artibus instruantur, quò illis in posterum
commodius utantur, ac primum id agitur,
ut abnegata Christiana fide, circuncidantur.

Iamq^{ue} eorum cæremonijs initiati, dili-
genter pensatis per Physiognomiam lini-
amentis corporis, pro cuiusc^e indole, uel ad
leges eius gentis discendas, uel ad militiam
destinantur, si maior uis corporis quam in-
genij appareat: danturq^{ue} in stipendum
quotidianum duo uel tres Ahce nummi,
quos Aspras uocant, qui sexaginta, faciunt
unum coronatum: id ad cibarium & uesti-
arium sufficere arbitrantur, donec in ex-
peditionem sit abeundum. Rudimentis
militiae ita imbuuntur, primum pro tene-
ritudine

G ritudine

DE A F F L I C T :

ritudine uirium datur leuior arcus, mox
crescente robore, & peritia, grandior ac gra-
uior, donec bello sit idoneus. Adeo magis-
ter seuerissimus exactor quotidiani exer-
citij, quotiescunq; a scopis errant, toties fla-
gris caeduntur, atq; isti ascribuntur ordinis
Solacrarorum, id est sagittariorum.

Alij in hoc erudiuntur, ut lenitferis co-
optentur : isti quoq; suos preceptores ha-
bent, qui illos ad quotidianam batuatio-
nem cogunt, bini, inter se baculis decertant.
Reliqui proh nefas, in quibus maior gratia
formae, ita absconduntur, ut nihil uirile in
toto corpore appareat, grauissimo cum dis-
crimine uitæ : quod si euadant, non in aliud
sunt incolumes quam in obsequium scele-
ratissimæ libidinis, mox senescente pulchri-
tudine, ad officia eunuchorum, ut matronas
seruent, deputantur, aut custodiendis equis
& mulis, aut culinæ ministerijs addicun-
tur.

QVOMODO AGATVR
cum puellis, & reliquis muli-
eribus.

Quæ

CHRISTIANORVM.

QVAE luculentæ pulchritudinis sunt,
eliguntur in concubinas: mediocres
dantur matronis ad officia pedissequarum,
inter quæ adeo sunt nonnulla foeda mini-
steria, ut honeste dici non queant: cogun-
tur enim illas sequi cum uasco aquæ,
quando ad exonerandum aluum, & per-
purgandum eas partes egrediuntur. Aliæ
ancillaribus operibus, ut textrinæ manci-
pantur. Nullis ex omnibus liberum est uel
Christianam fidem reseruare, aut spem liber-
tatis quam diu uiuit, concipere.

QVOMODO RELIQVI
Turcae cum mancipijs agant.

HAec tenus quid Imperator Turcarum
agat, diximus: nunc quid priuati isti,
cum primum nouitios adepti sunt, omni-
bus minis, promissis, blanditijs agunt, ut re-
cens mancipium circumcisionem admittat:
id ubi fecerit, humanius aliquanto tracta-
tur, cæterum spes redeundi in patriam pla-
ne absissa est: conanti enim id poena incen-
dij destinata est. Hi quia firmiores credun-
tur, ac minus fugaces, a dominis ad mini-
steria castræ assumentur, libertas tum de-
mum competit, ubi uel ipse annis inutilis
G 2 potius

DE A F F L I C T.

potius rejecitur a domino, quam dimittitur: uel ubi dominos in bello inter pericula mortis libertatem legarit.

Matrimonia illis quidem permissa sunt, sed liberi eorum pro arbitrio Domini distracthuntur, quae res sapientiores a nuptijs abhorrere facit. Alios qui circuncisionem repudiant, immaniter tractant: quam miseriam per tredecim annos expertus sum: nec ullis uerbis consequi possum, quid sit calamitatis in hoc genere uitæ.

QVOMODO AGATVR cum Christianis artium Mechanicarum ignarisi.

DVRISSIMA illorum fors est, qui artes mechanicas non didicere: Eae enim solæ ibi in honore ac precio sunt, quamobrem literati, sacerdotes, nobiles homines, qui in ocio uitam degerunt, ubi in horum manus uenere, omnium miserrime habentur. Mango enim in illos, utpote uix uenibiles, nullos sumptus facere sustinet, hi pedibus capitibusq; intectis, ac plerunq; maiore parte corporis nudi inambulant: nullus enim nouus cultus detritis ueteribus

C H R I S T I A N O R V M.

bus uestimentis succedit, per niues, per faxa, æstates & hyemes detrahuntur, nec finis donec uel moriantur, uel stultum dominum, qui malam mercem emat, inueniant, talis enim illorum est iudicatio.

Caterum nemo omnium tam est foelix, cuiuscunq; uel conditionis, uel ætatis, uel artis, uel formæ, ut eum in itinere ægrotantem apud hospitem deponat. Primum cogitur flagris ire, id si non potest, iumento imponitur, ibidemq; si sedere nequeat, proximo corpore alligatur, non aliter quam farcina aliqua, aut mantica: morientem detractis uestibus in proximam foueam aut uallem canibus & uulturibus abiiciunt.

QVOMODO RECENTER capti in itinere tractentur.

NON solum perpetuae catenæ concapti- uos includunt, sed manibus quoq; in itinere manicas addunt: passus unus inter singulos interstitij est, ne se mutuo conculent: id ideo faciunt, ne a mancipijs lapidentur. Quum enim singuli mangones ingenitum numerum ducant, adeo ut decem sæpe quingentos homines concatenatos habent, uim metuant tantæ multitudinis, si ad iactum liberas manus habe-

DE AFFLIC T.

rent. Cæterum ubi nocti concedendum, uinculis quoq; pedes onerant, eosq; supi- nos omni iniuriæ aëris exponunt.

Mulieribus uero humanior conditio est, quæ ualent robore, pedibus incedunt: teneriores in iumentis uectantur: quæ adeo infirmæ sunt, ut iactationem iumenti non ferant, in coribibus tanquam anseres gestantur. Nox illis tristior est, aut enim munitis locis includuntur, aut mangonum impurā libidinem pati coguntur. Auditurq; ingens ploratus per tenebras adolescentium utriusq; sexus uim patientium, nec sexennis aut septennis ætas miseros à tali foeditate defendit, adeo scelerata gens, & contra naturam & ante naturam libidine sœuit.

QVOMODO VENALI- tij tractentur.

VI dies illuxit, in forum uenales tanquam greges ouium, aut caprarum producuntur. Conueniunt mercatores, statuitur pretium: si placet mancipium, de tractis uestibus futuri domini oculis exponuntur, inspiciuntur omnia membra, tentantur, explorantur, nunquid uitij in iuncturis aut

CHRISTIANORVM.

aut articulis resideat. Si displicet, rehicitur ad mangonem, toties id passurus, quoties empturiens aliquis aduenerit: si placet abducitur ad grauem seruitutem, ut uel arator, uel pastor sit, ne duriora commemorem. Multa sunt ibi inaudita exempla miseriæ. Cæterum homines iugo copulatos aratrum ducere nonnunquam uidi. Ancillæ arctissime habentur in perpetuis laboribus & extra conspectum uirorum, & ne cum conservuis quidem illis ulla confabulatio permittitur.

Si quis cum uxore & liberis captus fuerit, hunc libentissime magnates emunt, & uillis præficitur, ut curam uel aruorum, uel uinetorum, uel pascuorum agat, nati ex illis uernæ fiunt. Si in Christiana fide perseuerauerint, statuitur certum tempus seruendi, quo elapsi liberi fiunt: filij tamen eorum nisi redimantur, in seruitute manent, pro domini arbitrio, uel in iisdem sedibus mansuri, uel alio transferendi: nulli enim ibi sunt ascripti glebæ, quibus certa sit sedes seruitutis. Si cupiunt post adeptam libertatem in patriam redire, dantur diplomata commatus. Verum illis qui nostram religionem abiurarunt, nec certum tempus est seruien-

DE AFFLICT.

dī nec ullum ius in patriam redeundi, spes libertatis solummodo pendet à domini arbitrio, ubi tamen libertatem nacti fuerint, soluant decimas ut cæteri Turcae, à reliquis tamen oneribus, quibus Christiani premutur, immunes sunt.

DE ILLIS CAPTIVIS QUOS PASTORES FACIUNT.

DURA uita agricolarum, durius tamen agunt qui ad pastoricias curas emuntur, uiuendum illis in solitudine, perpetuo noctes & dies sub dio agendum: dominus cum uxore solus in tentorio uersatur, & praeter tuendi gregis officia, penulas & tapetia successiuis horis facere coguntur. Singulis mensibus pascua mutant, de montibus in montes se transferentes.

Qui humaniores sunt, dant aliquam mercedulam seruis, quamlibet dimensum fuisse apud Romanos legimus, id in peculum cedit, quod conseruant uel in uiaticum, si in patriam post libertatem adeptam redire uelint, uel ad alias necessitates uitae. Cæterum id non ubique sit, est autem illud miserum blandimentum seruitutis, quo illos à consi-

CHRISTIANORVM.

consilio fugæ retrahunt. Illis autem qui Christum abnegarunt, iamqe recutiti sunt, quia certi sunt, quod non fugient, nihil tale indulgetur.

DE FUGA CAPTIVOrum ex Europa.

FACILIOR fuga illis, qui in Europa agunt, quam qui in transmarinas regiones uenduntur: his enim præter flumina nihil trahi ciendum, quæ facile enantur, maior difficultas in Hellestanto transmittendo. Qui autem fugam instituunt, tempore messis id soliti sunt facere, ut & facilius in segetibus lateant, & inde uictum habeant, noctu autem fuga initur, per diem aut in sylvis, aut in paludibus, aut in segetibus se se abdunt, maluntqe à lupis alijsqe bestijs deuorari, quam ad ueteres dominos retrahi.

DE FUGA EX ASIA MINORE.

QVI ex Asia fugam moliuntur, Hellestantum petunt, inter Gallipolim & arces illas olim Seston & Abidon nunc autem Bogaz Asar dictas, id interpretari pos-

GEST test,

DE AFFLICT.

test, castella faucium maris, ibi enim mare angustissimum est. Hi secum deferunt secum & funes, ut & ligna cedant, & colligant quo inde ratem faciant ad trajectiōnē māris, nihil nisi salem secum deferentes, nocte raticulam inscendunt. Si uenti & fortuna maris fauet, tribus aut quatuor horis trajectiūnt, si minus, aut pereunt in fluctibus, aut ad littora Afīsæ reiiciuntur. Emenso mari montes petunt, polumq; & booten inspectantes ad Boream tendunt. In fame glandibus aut herbis sale conditis sese sustinent.

Si plures societatem fugæ inierint, noctu opiliones inuadunt, quibus occisi, quicquid ibi alimenti inuenerint, secum asportant, saepe tamen & ipsi pereunt occisi ab opilionibus, uel ab eisdem capti, & pristino hero traditi, ad ueterem seruitutem rediuntur. Cæterum longe plures pericula absument, quam incolumes evadunt: aut enim naufragij, aut dentibus bestiarum, aut ferro inimicorum, aut postremo fame pereunt, cum longior erratio in fuga contigerit.

DE POENA FUGITIVORVM.

Fugitiūs

CHRISTIANORVM.

Fugitiūs multiplex poena: alij enim suspenſi pedibus durissime flagellantur, qui enim homicidium committunt, illis plantae pedum in multos sulcos cultro rescinduntur, & resciſſis fal inspergitur: quibusdam furca ingens ferrea cum ferro collari inseritur, quam dies noctesq; in longum tempus gerant.

DE GRÆCORVM, ET ARMENIORVM PIETATE erga captiuos.

Mortis poena & confiscatio omnium bonorum illis infligitur, qui captiuorum fugam instituunt. Tamen non cessant Armenij & Græci captiuos Christianos apud se occultare, & deformatos suo cultu deducere ad naues Venetas, uel aliorum Christianorum, dantq; uiaticum & omnia necessaria, nec ullum pietatis genus omitunt: eandem enim pietatem nostrorum aſſunt se experiri, si quando Romam uel Compostellam uenerint.

DE INCANTATIONE Turcarum contra fugientes.

Habent

DE AFFLICT.

Habent quoddam genus incantationis, quo inuitos retrahunt. Nomen serui in schedula scriptum suspenditur in tabernaculo, uel domicilio serui, deinde diris uerbis & deuotionibus illius caput impetunt: deinde fit ut dæmoniaca, ut fugiens putet sibi in itinere uel leones uel dracones incurrire, uel mare uel flumina contra se exundare, uel omnia tenebris nigrescere, h[oc]que terribilis repulsus ad herum redit.

MEMORIAM CHRISTI
paulatim in prouincijs olim Christianis aboleri.

Vpersunt adhuc aliqui, qui meminere expugnationē Constantinopolis, & regna Græciæ, Albaniæ, Valachiaæ, Seruiaæ quam Bosnam uocant Turcæ, in prouincias redacta, illi quidem Christum tenaciter retinent, sed iuuentus dediscit, breviq[ue] futurum, ut plena sit obliuio Christianitatis. Idem futurum in Croatia, Hungaria, Sclauonia, quæ recentia additamenta sunt & auctaria Turcici imperij.

QVÆ CONDITIO
DEBELLATORVM.

Vbi

CHRISTIANORVM.

VB1 prouinciam cepit, omnia prouinci-
aliū bona tā mobilia quā immutabilia
in prædā cedūt. Nobilitatē stirpis excindit,
præcipuē Regiam sobolem. Et quod nunc
Ioannis Regis filio fauent, non alio consilio
faciunt, quām si illis Hungaria adimatur,
eum immittant ad res nouas moliendas:
ubi illis secura possessio Hungariæ fuerit,
haud dubiè ē uita tollerur: nam Turcæ in
ea re nec generis, nec sacerdis, imō ne fratri-
bus quidem parcunt.

Clericos si non occidunt, omni fortuna
& dignitate nudatos ad ludibriū & men-
dicitatem relinquent. Campanas omnes
& organa, & alia instrumenta Musica tem-
plis adimunt, imō ipsa templa prophanata
suo Mehemmeto consecrant: Misera & hu-
millima facella Christianis relinquunt, ubi
sacra non publicē sed dissimulanter & silen-
tiose faciant: quæ ubi uel terræmotu cor-
ruerint, uel incendio deflagrauerint, uel æ-
tate computruerint, non licitum est instau-
rare, nisi magna pecunia depensa.

Concio & annuncandi Euangelij mu-
nus planè interdicitur: nec fas est quenq[ue]
Christianum Remp. attingere, aut arma ge-
stare,

DE AFFLICT.

stare aut simili cultu cum Turcis indui, aut quæ hilarioris uitæ sunt, spectacula edere, uel choreas ducere. Si iniuria fit contumeliosissimis uerbis uel tibi, uel Christo, tacendum atq; ferendum est. Quod si aliquid indignius contrâ loquaris de eorum religione, inuitus circumcidens: tum si hiscas contra Mehemetum, ignes & incendia tibi parantur. Et si Christianus equesprætereat Musulmannum, id est Turcarum religione initiatum, necessum est, ut de equo descendat, & cernuo uultu sedentem adoret: quod nisi sit, fustibus ab equo deiçitur.

DE SACERDOTVM ET monachorum sub Turcæ tributo uiuentium conditione.

Sacerdos & monachus pessima illic conditio sunt, ut sacrilegia & scandala Dei & hominum existimantur, nihil de Ecclesia accipiunt: Feriatis diebus pauxillulum panis à mulierculis nonnullis porrigitur: cæteris diebus nihil datur. Ipsi lignationibus uiuent: Nam mos est ut ligna in sylvis cædant, hisq; dorsum aselli onerant, ea cum merce per omnes plateas ambulant, ligna uenalia proclamantes.

DE

CHRISTIANORVM.

DE TRIBVTIS CHRISTIANORVM.

Quartas omnium fructuum dant Christiani: & istiusmodi quartatio non solum ex prouentibus agrorum & pecorum colligitur, sed etiam mechanici de suo quæstu quartas dependunt. Deinde est & aliud onus capitacionis, qua singuli quotquot sunt in una familia, singulos ducatos soluunt. Si parentes soluere nequeunt, ad liberos suos in seruitutem uendendos compelluntur. Alij in catenis uiincti, ostiatim obambulant ad stipem emendicandum, quod si ne ita quidem soluendo fiunt, perpetuis carceribus mancipantur.

Iam cum omnia officia præstiterint, adhuc semper ius est Turcæ optimum quenq; ex liberis diligere, quem circuncisum summotumq; à conspectu parentum in militiam alit, nec unquam ad parentes reddit: & primum, quia puer facile Christum obliuione dediscit, mox etiam parentes & consanguineos, adeo ut si inter eos ueretur, neminem suorum agnoscat. Nemo uerbis id explicare potest: quibus lacrymis, gemitu, singultibusue, istiusmodi diuulsio fiat. Pater filium

D E A F F L I C T .

filium quem in cultum Christi educauerat, rapi, uidet ad militiam Sathanæ, ut Christū oppugnet : filius abstrahitur a parentibus, perperò inter alienissimos uiicturus, quicquid charum est sanguine, sodalitate gratum, familiaritate amicum relicturus : postmodum in eorum numero futurus, quos Græci ἀπότοπες & ἀμάντοπες uocare solent.

Et hi quanquam magnopere a fide Christiana degenerarunt, pleriq; tamen eorum, Euangelium Ioannis pro amuleto certissimo sub axillis portant, uidelicet, In principio erat uerbum &c. Græce aut Arabice scriptum totum usque ad finem, qui summopere magnocq; cum desiderio Christianorum gladium (de quo uates Turcicus loquitur, ut in sequenti capitulo intelligetur) expectant, ad uindicandum, & liberandum Christianos de Afflictionibus & persecutionibus eorum. Qui, quod haecenus contra eos non maturauerit, quicunq; sunt in causa & quoconque animo id faciant, pessimè profecto de Christiana religione mereri uidentur. Nunc (prohamisso fratre Georgio Varadiensi nephas) quam citò amissimus Temesuarum doleat nunc Hungaria, ploret Transyluania, caueant posthac sibi Polonia, Lituania,

C H R I S T I A N O R V M .

Lituania, Russia, Prussia, Moschouia, Datia, Dania, Gotia, Noruegia, & Suetia. Idem predicatur, & de Austria, Morauia, Slesia, Bohemia, Saxonía, Germania, Anglia, Scotia, Hispania, & Francia. Nec feliciora spe ret Roma, Venetia cum tota Italia, faxit (pre cor) Deus, ut hæc foeliciorem, quam suspiror, finem alsequantur.

D I A L O G V S S A L V T A -
T I O N V M L I N G V A E S C L A -
V O N I C A E .

S A L V T A T I O .

Pomozzi bogh goſpodaru.
Adiuuet te Deus Patrone.

Dobro doſſao prijateliu.
Bene uenisti amice.

I eli ouay prauı puth u Kalipolie ?
Est ne hæc recta uia in Calipolim ?

Ni brate zabludiosi daleko.
Non frater, deuiaſti longe.

Od koiesi zemlie kazumi.

H Ex

VOC. SCLAVON.

Ex qua es regione ē indica mihi.

RESPON.

Od vlaske zemlieſſam od Benetek

Ex Italorum regione ſum, ē Venetia.

INTERR.

Vkasi mi puth praui takoti bogā,

Oſtende mi iter rectum propter Deum.

RESPON.

Hodi ſſamnon neboiſſe niſtar.

Veni mecum, nec timeas quiequam.

INTERR.

Ieda koie glaffe imas Kazuimi.

Si quid noui habes indica mi.

RESPON.

Ne takomi uire da znam prouidalbih ti.

Non ad meam fidem, ſi ſcirem indicarem
tibi.

VALE DICTIO ET
GRATIARVM ACTIO
EORVM.

Oſtai zbgom brate onie grad Kamogres
Mane cum Deo frater, illa est ciuitas quo
pergis.

RESPON.

Poi zbgom i hogh te zdrauo noſio
Icum Deo & Deus te incolumen ferat.

Hualus

DOMIN. ORATIO.

Hualu ti imam i dobrati nots bila
Gratiam tibi habeo & fausta tibi nox sit.

DOMINICA ORATIO

SCLAVON. LINGVÆ.

Otſſe naſ, ki yeffi na nebeſi, ſſuctiſſe
Pater noster qui es in coelis, sanctiſſetur
ime tuoie. Pridi Kralyeuſſuo,

nomen tuum. Adueniat regnum tuum,
budi uolia tuoia, Kako na nebu ina
fiat uoluntas tua, ſicut in coelo & in
zemlij. Kruha naſſega ſſagdaniga dai

terra. Panem noſtrum quotidianum da
namga danaff, i odpuſtai nam dughe naſſe,
nobis hodie, & dimitte nobis debira noſtra,
Kako i mi odpuſciamo duſuikon naſijm,
ſicut et nos dimittimus debitorib⁹ noſtris,
i nepeliai naſs u napast, da izbaui
& ne nos inducas in tentationem, ſed libera
naſs od nepriazni, Amen.

SALVTATIO ANGELICA.

Zdrauo Mario milofti puna, goſpidin ſtobum,
Aue Maria gratia, plena, dominus tecum,
blasena ti meufenami, i blasen
benedicta tu in mulieribus & benedictus
iſad utrobe tuoye Iefus Kriſtus.
fructus uentris tui Iefus Christus.

H 2 Pere

AD LECTOREM.
P E R E G R I N V S
LECTORI s.

Vlsum est nobis humanissime Lector,
nonnulla uocabula Sclauonicę linguę
adderē, ut scias quam differat Sclauonica à
Persarum lingua, qua Turcæ utuntur. Scias
etiam, quod omnibus hac lingua peritis
tutò adire licet Croatiam, Dalmatię, Rus-
się, Valachiam, Seruiam, Bohemiam, &
Polonię, quamuis propter prouinciarum
distantiam in quibusdam uocabulis ac prola-
tione nonnihil differant, ut Itali ab Hispani-
is, Germani à Flandris. Nec te lateat, Ru-
thenos ac Seruios eadem lingua uti in offi-
cijs diuinis. Habent enim 34. literas Græ-
cis non multum dissimiles. Sic etiam Cro-
atię: sed horum literae plurimum ab illis
differunt forma, numero tamen & prolati-
one similes sunt. Et ideo impossibile est no-
bis Latinis characteribus, ipsorum uocabu-
lorum ueram prolationem imitari. Turcæ
quoque eadem lingua in aula eorum
Regis, & in confinijs Sclauo-
nię uersantes utuntur.

Vale.

*

IOAN-

100
IOHANNIS VERSOSÆ
CÆSARAVGVSTANI TETRA-
STICHON.

Hinc alacres in bella animos, hinc sumite uires,
Et gladium in socios stringite utrumq; Getas.
Ecce ut prædicunt Turcarum oracula Genti
Ipsa suę, à uestris uiribus interitum.

Idem in disputationem,

Hic præbet proprijs Mahomet sua pectora telis,
Et qui tam multos ceperat error abit.
Agnoſcunt quidam diuini mystica uerbi,
Nonnullis Turcis ſpiritus alme placet.
Quos ne deſtituat doctrinæ purior aura,
Quod patrio reſegant hic liber ore docet.
Diſcent quęs precibus nec non ratione uocandus
Sit Deus, atq; fide, ſymbola ſancta legent.
Accedunt quædam, quæ ſi cognoscere curet
Lector, habet paruæ commoda magna moræ.

DE CHRISTIA-
NORVM CLADIBVS
ET CALAMITATIBVS: DE
inde de suæ Sectæ interitu & de Tur-
carum ad fidem Christi con-
versione. Cap. III.

Vaticinium Infidelium lingua
Turcica.

Patissahomoz ghelur, Ciaferum menleketi a=plur, keuzul almai alur, Kapzeiler, iedi y la=degh Giaur keleci cikmaffe, on ikiyladegh onla=ron begbligh eder: cui iapar, baghi diker bah=crai baghlar, oglizezi olur:onichi yldensora Hri=stianon Keleci cishar, ol Turchi gherefjine tue=chure.

SEQVITVR INTER=
PRETATIO EIVS DEM.

Imperator noster ueniet, ethnici Principis regnum capiet, rubrum quoq; pomum capiet, in suam potestatem rediget: quod si septimum usque annum Christianorum gladius non insurrexit, usque ad duodecimum annum eis dominabitur. Domos ædificabit, uineas plantabit, hortos sepibus muniet,

INTERPRE. VATICINII.

muniet, liberos procreabit, & post duodecimum annum (ex quo rubrum pomum in illius potestatem redactum fuerit) apparabit Christianorum gladius, qui Turcam quaqua uersum, in fugam ageret.

SEQVITVR COMME=N=
TAR IVS.

Patissahomoz est nomen dignitatis, compositum cum pronomine pluralis numeri, & significat Rex noster, sive Imperator noster. Solent enim eodem nomine dignitatis Romanum Cæsarem, simul & reliquos Reges Christianorum appellare, ut Vrum patissah, id est Romanus Imperator. Vngruz patissah, id est, Hungarus Rex, & Frenk patissah, id est Gallus Rex.

Quare non attribuitur inferioris conditionis magnatibus nisi Imperatoribus & Regibus, Patissah, plerumq; etiam pro Duce ab eis accipitur, nec abs re, Cum Dux a duendo sit dictus: id tamen non debet dubitare, quin ille Vates Turcicus, per istud uocabulum Patissah, aliquem potentissimum Tyrannum ad Christianos opprimendos (hoc loco) suis sequacib; uoluit significare.

INTERPRETATIO

Praeterea & Rex Persarum eodem nomine ab ipsis solet appellari: sed saepius fit, ut uocetur *Sultan*, quod nomen designat Principem, ut *Sahi Sultan Zmail*, quia hic modernus Rex Persarum Sophi habet proprium nomen *Zmail*, quod significat *Ismahalem*.

Habent & aliud nomen dignitatis Regum, *Hunker*, sed hoc nomine nullum audiui unquam uel ex Christianorum uel infidelium Regibus appellari, præterquam ipsum Suleimanum eorum Regem, qui nunc rerum potitur, quod tamen nescio an significet Hunnorum dominum. Id enim Germanica proponendum uox indicare uidetur *Hunch heer*, id est, Hunorum dominus. *Ghe-lur*, est uerbum futuri temporis quod significat ueniet.

Csiaferun, est nomen, quod significat gentilem siue Ethnicum. Solent enim omnes Christianos hoc nomine appellare, quamuis etiam alia habeant uocabula ad interpellandos Christianos, ut sunt *Gyaur*, & *Kaur*: sed *Gyaur*, unum significat hominem, si non addas *lar* terminationem, quæ apposita fit pluralis, ut *Gyaur*, siue *kaur*, id est, Christianus: *Gyaurlar*, siue *Kaurlar*, id est, Christiani

VATICINII.

Christiani. Sed *Csiafer*, etiam sine illa terminacione, quæ plurali attribuitur numero, multitudinem nationum designat: sed quia textus habet *Csiaferun*, estq; genitiui casus per additionem *un*, ut *Csiafer*, id est, gentilis in nominatio, *Csiaferum*, id est, gentilis in genitiuo, quasi dicerent gentilis Regis, uel gentilium.

Memleket, significat Regnum, quamvis, & alia habeant diuersa uocabula ad significandum Regnum, ut *Istan*: quia cum Italiæ, siue Franciæ, aut etiam Hispaniæ Regnorum mentionem faciunt, tunc dicunt *Frankistan*: quod significat tam Italorum, Gallorum, quam Hispanorum regna. *Frank* significat hominem harum regionum, ut *Frank Gyaur*, id est, Italus, Gallus, uel Hispanus Christianus. Cæterum cum Græciam nominare uolunt, mutant uocabulum, dicentes, *Vrum elli*: id est, Græcia, & non *Vrum istan*: id est, Græcum regnum. Solent interdum & *Vrum memleket*, dicere, & tunc intelligunt totum Imperium Græcorum. In summa hoc uocabulum *memleket*, Imperium potius significare uult, quam regnum apud illas Turcarum ac Persarum nationes.

INTERPRETATIO

Alur est uerbum, & significat capiet,sive accipiet. iKuzul almi, est nomen, quod significat rubrum pomum,quia Kuzul, significat colorem rubrum, & alma, pomum, & dicunt esse urbem aliquam fortissimam & amplissimam Imperialem.

Et interdum oritur quaestio inter doctiores hanc ob causam, quia alij uolunt interpretari illud uocabulum urbem Constantinopolitanam, eo quod in nonnullis eorum uoluminibus dupliciter legitur, uidelicet, Kuzulalmai,& Vrumpapai,id est,rubrum pomum,per quod nonnulli uolunt intelligere Budam,sive Græcum sacerdotem uel Patriarcham : quia ut iam diximus, Vrum,significat Græcum eo quod olim erat sub Imperio Romano tota Græcia, & est corruptum per adiunctionem u literæ in principio, & mutationem o in u, quia huic nominī Vrum, si demas primum u, & medium mutetur in o, erit Rom. Itaq; multi sunt huius opinionis, quod significet imperium Constantinopolitanum, nonnulli Romanum.

Kapzeiler, est uerbum, & significat opprimere iugo seruitutis, & nemo dubitat illorum tyrannicam afflictionem esse crudelem

VATICINII.

Iem oppressionem, quod facilē probabunt iij,qui eorum captiuitatem & tributi exactiōnei experti sunt, quemadmodū sunt Græci,Armenij,Thraces,prout facile potuerunt intelligere, si qui legerunt præcedens Capitulum de Afflictione Captiuorum.

Iediyladegh, septimum annum usq; post captionem eius loci supra dicti Gyaur keleci ejchmasse,id est,ethnicus,sive gentilis gladius si non apparuerit, & contra illum non insurrexerit. Putant hæc fata anni septimi in potestate Christianorum esse, qui si uellent communi opera gladium contra ipsos strin gere,haud dubie essent plena uictoria potiti. Verum quo minus id fiat,nostram ignauiam in culpa esse, dum mutuo inter nos bello ciuili digladiamur : uel turpi otio con senescimus.

Onychy gyledegh,hoc est,usque ad annum duodecimum, On larum begligheder, id est, eorum (uidelicet Ethnicorum) dominabitur. Verum quia neq; post septimum, neq; post duodecimum annum (capto imperio Constantinopolitano) Christianorum contra ipsos gladius præliauit,iā enim fere ad centum annos tota Thracia, & imperium Orien-

INTERPRETATIO

Orientalē est sub eorum ditione, augurantur aliam Imperij sedem sub nomine rubri pomii significari. Ita certum & definitum temporis spatium intelligeretur, cum res extiterit.

Eusi iapar, id est, domum aedificabit. Sed miror unde illis id, & quomodo sint intelligenda haec uerba. Nam hi non adeo in aedificandis domibus (ut nostri) sunt curiosi, sed edificatas potius expugnandi curam habent, quod etiam indies eos assequi uidemus: non enim exponunt thesauros in aedificia: quae ad propriam uoluptatem, & priuatam utilitatem seu delectationem spectant, sed in publicum commodum potius, & communem utilitatem conseruant.

Quamobrem per aedificationem domus significari putant, quod templo nostra, suo Mehemmeto sit dedicaturus: sed nescio, annos ista indignitate iram diuinam prouocamus, dum alius cum canibus tanquam uenator in templo obambulat, alius de foenore, alius de scorto garriat, alius ad templum nunc urinam, nunc oletum faciat, qualia ne que inter infideles quisquam uidere potest. Credibile est profectō, quod propter hanc irreucren-

VATICINII.

Irreuerentiam Deus ipse malit, nostra templa sub Mehemmeto, quam sub nobis esse: sed quod id fiat, est culpa templi custodum.

Baghi diker, id est, uineam plantabit. Per uineæ plantationem nouas colonias & gentium ē suis sedibus emigrationes intelligunt, & sui Imperij dilatationem.

Babcsai, id est, hortos siue illas plantationes uinearum, id est, urbes & arces captas.

Baglar, id est, emuniet. Subintelligunt nouas prouincias undecunq; munit, ut recuperatu sint difficillimæ. Et hoc est mirum, quod à tot annis postquam incepit seuire, ita muniuit: ut ne pagum quidem ab eo recuperare potuerimus.

Oglu bezi olur, id est, filium & filiam habebit. Hic per procreationem liberorum interpretantur propagationem Mehemetanæ gentis: ut manifestum est omnibus, illam esse in tantam propagatam & multipli catam, ut nihil supra. Itaq; iam nihil aliud restat, nisi interitus & diminutio fidei & nationis eorum.

On iki yldenssora, id est, post duodecimum annum,

INTERPRETATIO.

annum. Hristianon, id est, Christianus. Keleci
id est, gladius. Cſicar, id est insurget seu ap-
parebit. Id quoq; apud ilios in controuer-
ſia est, utrum gladius ille, quo Christiano-
rum natio in libertatem vindicabitur, tali-
onem Mehemetanis reddet, atq; Rex ali-
quis Christianus magnis copijs totum im-
perium Turcarum sit expugnaturus, an pa-
stor aliquis Christianus, sua doctrina Tur-
cas sit conuersurus ad nostram religionem.

Quamobrem (ut dixi) ultima uerba
huius oraculi, uiri cum gemitu, pueri cum
fletu, mulierculæ cum planctu & eiulatione
exciant. Vtinam tandem Itali sua pila,
Hispani suas lanceas, Galli sua gesa, | Angli
suas balistas, Germani & Hungari suas fra-
meas, contra istos canes fidei (ipſis ut ita di-
cam satis damnatos) distingere uelint: sed
discordia, nostri temporis est, quæ solum-
modo moratur nostras uictorias, à nostris
rebus. Sed redeamus ad uerba uaticinij
de interitu eorum.

Turchi, id est, Turcam ipsum haec tenus
regnantem. Gheresime, id est, retrorsum un-
de egressus est, adeo ut uel latebras Bithynie
unde primum erupit, uel in Scythiam, unde
origi-

VATICINII.

originem traxit, ille Christianus gladius.

Tuschure, id est, pellet siue profligabit.
Cæterum, quia ille gladius uindex nescia-
tur unde oritur sit: Certè Turcæ siue
aliunde metu concepto non permittunt
Christianis sauitijs, qui dominos suos nunc
dentali, nunc ligone, aut stipite mactant.

Vtinam Christiani Principes istis fatali-
bus uictorij se se præpararent, & obſtiterent,
ne ulterius uires Mehemetorum crescant,
quæ iam plus nimio creuerunt: quis dubi-
taret, quin hic Christianorum gladius (de
quo uates Turcicus loquitur) nostrarum
tot calamitatum, persecutionum & afflicti-
onum futurus sit uindex, atq; illo Sathanæ
regno deucto fratres nostros Christianos
grauissimo seruitutis iugo oppressos, simul
atq; uniuersum orbem Christianum, tot pe-
riculis subiectum & obnoxium, in libera-
tem, pacem, & tranquillitatem afferat, resti-
tuatq; Sectaq; eorum diabolica, ad nihilū
redacta, totq; perditas animas, ad Christi
cultum atq; ouile unumq; pastorem Chri-
ſtū, quam facilime (ut in ſequenti capitulo
copioſe intelligetur) breui tempore, Euangeli-
cae prædicationis uirtute, compellendo
redu-

INTER. VATICINII.

reducat. Quod ut breui nobis concedatur, precepit Pater, per Filium, & Spiritum sanctum: qui est semper benedictus, gloriōsus & laudabilis Deus in Trinitate, per infinita secula seculorum
AMEN.



DISPV TATIONIS
CVM TVRC A HABIL
TAE NARRATIO
CAP. IIII.

V M M O labore, nec sine grauissimo periculo uitae, Orientalium, Occidentalium, Meridionalium, nec non Septentrionalium partium, amoenioribus locis, & potioribus urbibus peragrat, & uisitatis, hisq; non secus, quam Socratis, atq; Platonis, nec non aliorum Philosophorum more penetratis, perlustratis, famosissimam Hungarice urbem Varadinum dictam quum appulissem, in qua eodem tempore casu fortuito aderat quidam Mehemetanae sectae legis peritus Deruis Gielebi dictus, qui peractis cum Praelato eiusdem ciuitatis uidelicet, fratre Georgio suis negotijs, summopere desiderabat cum Christianis aliqua, de fide ac religione utraq; conferre.

Hoc igitur cum per aliquot dies per interpretem iam dicti Praelati Gabor nominatum egisset, ut illi Antigonista substitueretur, qui religionem Christianam contra

I eum

DISPUTATIONIS

eum defendere audeat, sed omnes quotquot in ea religiosi fuerant urbe, ad unius Ethnici uocem muti redditii erant, nec mihi dissimiles uidebantur Israëlitis esse, qui sub Rege Saule uiuentes, ad unius incircuncisi Goliath & quidem spurj, μονομάχια eos prouocantis, uenire non sunt ausi. Id ego uidens, turbatus dolebam nimium, in tanto cœtu clericorum reperiri neminem, qui ueritate ipsa armatus, saltem per interpretem, insolentiam Ethnici, reprimere auderet. Et uerebar, ne propter nefandam, & omnibus modis detestandam præsertim tali in negotio taciturnitatem, & ignauiam, homini nefario palmam tribuisse iudicaremur, uerissimamq; causam nostram, & Christi saluatoris, deteriorem redderemus, perpetuamq; notam ignominiae Christiano nominis inuarentes.

Quamobrem licet ad munus Ecclesiasticum non sum uocatus, nihilominus tamen, suscepimus prouinciam, de hoc pietatis negotio cum eo me certaturum. Ibi statuto & a nobis præscripto die, conuenit magna utriusq; conditionis hominum frequentia, spectatum rei futuræ exitum, hocq; in monasterium fratrum Dñi Francisci, die Dominica

NARRATIO.

minica Pentecostes. 29. Mai. 1547. & pri-
mum hanc proposuit quæstionem: ubi De-
us ante coeli & terræ initium aliasq; crea-
turas uersaretur.

Mihi autem haec sua quæstio licet non adeo ad propositum spectare uidebatur, ne tamen nos Dei Opt. Max. ubiq; præsentia ignaros, iudicaret, respondi: In suo esse. Sed cum illi uideretur haec responsio utcunque obscurior, nec eam posset satis intelligere: postea dixi, ibidem, ubi & nunc est. Hoc intellecto, negauit haec in uniuersum, dixitq; nequaquam inquit, sed in nube candida.

Qui cum eum in nube fuisse affirmaret citauit Genesin (nam & ipsi legunt libros Mose & Prophetarum) & dixi: Si Deus ipse ante coeli & terræ creationem in nube erat: Ergo nubes primum antequam coelum & terra, creata est.

Ibi post ultro citroq; de hac re agitatos sermones conuictus, noluit de hac re ultra disputare: igitur cessit mihi locus propone ndæ quæstionis: & ob festiuitatem eius diei, uisum fuit de eodem pauca differere:

I 2 cedenti)

DISPV TATIONIS

cedenti) literis, & sermone Arabico quo-
modo in Alcorano scripta habentur: postea
illi legenda porrexi: quorum prolatio est
eiusmodi.

MYSTERIVM SANCTÆ

TRINIT. ARABIC.

Bism Allahe, el Rahmane, el
Ruoahim.

Quorum interpretatio hæc.

Bi,id est,in : Sem,id est,nomen,quasi dicat
in nomen.Allahe,id est,Dei : El Rahmannne,id
est, misericordiae : El Ruoahim, spiritus eo-
rum.

Sciendum, quod lingua Arabica mul-
tum habet affinitatis cum Hebraica, & Chal-
daica, quæ committo iudicio uirorum cog-
nitionem habentium Hebraic sermonis,
uel etiam utriusq; nam Sem, & Hebræi di-
cunt, quod significat nomen, Allah, apud A-
rabes, Elohi, apud Hebræos, atq; Chaldæos.
Rahman, utriusq; nationis est uocabulum,
quod significat misericordiam, ita quoq; &
Ruoah, spiritum significat, & addita lm, sic
pluralis, nam Hebraica pluralia plerunq; in
lm, terminantur.

Hæc

NARRATIO.

Hæc qui cum uidisset, admiratus uehe-
menter, unde nam hæc inquit Christianis ε
nam in omni operis principio utimur, in-
quit, nos Musulmani istis tribus uerbis, &
singulis capitulis Alchorani præposita ha-
bentur. Cum assedimus mensæ ut edamus,
hæc præmittimus uerba: cum abluimus
manus, eunt ad orationem, &cætera mem-
bra corporis. Insuper peracta lotione, ter
repetendo hæc tria uerba, aqua aspergimus
capita dicendo, Bi Sem Allahe, El Rahmane,
El Ruoahim.

Igitur cum fassus esset ueritatem, quæsi-
ui ab eo, quidnam intelligant per misericor-
diam.

Qui respondit se non intelligere, nisi se-
cundum literam, nec habere aliud signifi-
catum.

Post hæc accessi ad mysticam interpre-
tationem uerborum, & ea iuxta genuinam
ueritatem, in tres personas partitus sum, ui-
delicet : Patris, filij, & Spiritus sancti. Ut au-
tem melius intelligeret, in Arabicum sermo-
nem uerti hoc modo.

Bi,id est,in : Sem,id est, nomen : El Ab , id
est, Patris: V, id est, & Ben, id est, Filij: V, id est,
& : Ruoah, id est, Spiritus ; Elchutz, id est,
sancti.

I . 3 Qui

D I S P U T A T I O N I S

Qui cum filij Dei mentionem me fecisse intellexisset, quæsiuit: unde nam filius esset Deo? Cum secundum legem nostram & Mohometi doctrinam, Deus non habeat uxorem, inquit, nec proles. Deinde cœpi interpretari prout intelligebam.

Nos uidelicet, Deum uocare Patrem: propter creaturas, primam nempe causam creantem, & omnia conseruantem; qui semper in eadem Essentia fuit, in qua & nunc est, & erit in secula seculorum: qui est prima persona diuinitatis in Trinitate,

Filium uero (qui à Mehemmeto in Arabicum uocabulum uidelicet, *Rahman*, quod misericordiam significat, est mutatus) Deum habere ita credimus: & non secundum concupiscentiam carnis (cum Deus sit spiritus) ex foemina natum: sed ex essentia ac substantia Patris genitum, qui ut peccata nostra tolleret, assumpta carne humana ex immaculata uirgine, pro nobis passus, mortuus, atq; sepultus: & iuxta dicta prophetarum, tertia die à mortuis surrexit: posthac ascendit ad cœlos & sedet ad dexteram Dei patris: inde uenturus est uiuos & mortuus iudicare: & tunc dabít immortalitatis beatitudinem his, qui in eum credunt: incredulis
uero

N A R R A T I O:

uero supplicia æterna.

Postea ostendí illi imaginem crucifixi: uide inquam si immerito, & à Mehemmeto, hic filius æterni Dei, dictus sit misericordia cœdum expansis brachijs uocat ut amplectatur nos dicens:

Venite ad me omnes qui laboratis, & estis onerati peccatis, ut reficiam uos.

Et ut eum de Mysterio Trinitatis redrem certiorem, ostendi solem. Habes pulchram solis similitudinem, inquam. Sicut unus est sol habens formam, calorem, & splendorem: sic unus est Deus, & pater qui habet filium, & sp̄itum sanctum, quem uos Ruahim uocatis, consistens in his tribus personis, quæ ex æquo de eadem substantia sunt, deq; eodem subiecto, ab æterno quidem nullo creante permanentes.

Et ita per comparationem hanc, creditur in Deum patrem, & filium eius unigenitum, & sp̄itum sanctū in Trinitate unum.

Et cum audisset me, hæc ita, ut satis inde te de Deo, & eius filio, & sp̄itu sancto disserere, plurimum admiratus dixit. Allah, Allah: quod significat Deus, Deus.

Ego inquit uel aliquis nostrum, nunc
I 4 credi-

DISPUTATIONIS

credidissemus uos ita bene de deo sentire: existimabamus enim uos, inquit, in maximis tenebris constitutos: sed iam ex tuis relatis intelligo, uos optime de illo sentire: nisi quod Mehemetum prophetam Dei magnum, parui faciatis.

Quid nobis cum Mahometi nugis, & somnijs: nam præter baptisimum & ministerium Trinitatis, quæ a nobis accepit Christianis, scimus in suo Alcorano non habere quicquam quod ad ueritatē spectet.

Cæterum, circa illi nugas uel somnia potius Machometi de duobus Angelis, A-roth, & Maroth nominatis: quos Machomet a Deo in terram missos fuisse narrat, ut ius mortalibus administrarent: quibus iussit ne uinum biberent, nec mulieribus sese admiserent, nec alicui ad superos iter ostenderent. Qui transgresso mandato diuino, inebrinati sunt, a muliere decepti, coiquinati sunt, eique iter ad superos eundi ostendarent.

Quam cum Deus in cœlum uenire uidisset: Angelos sibi astantes interrogauit: quisnam hic in cœlum hac forma indutus ueniret.

Ibi Angeli, cum narrassent errorem esse
Arothi

NARRARIO.

Arothi & Marothi, iussit, ut mulier in stellam conuerteretur, Angelos uero concatenatos in unum puteum, perpetuō cruciādos emittere præcepit.

Et huiusmodi ridiculosa multa: ut de animali El Barabil, humani sermonis capacis, quod animal Mehemetum in cœlum tulit, ubi Mehemet fatetur se uidisse Angelos magnos, habentes multa capita, & ea multis & diuersas linguis habere. Hoc profecto satis ridiculosum, & prophetam dictu minimè dignum, sed nescio inquam: forsan uino repletus in somnio talia miracula, seu potius portenta ridiculosa, se somniasset uidit. Igitur cum huiuscemodi nugas narrare, & suo Alcorano inserere est ausus: non uerus propheta, sed pseudopropheta, merito ab omnibus nobis uocari debet.

Quibus auditis, pudore affectus surrexit, & de cætero disputare noluit: sed introduxit me in templum, ostendit imagines sculptas in ligno: rogauitque utrum nos eas similitudines hominum adoramus, aut eas ueneramus, cui respondi: Nequaque opineris nos ligna, lapides, ex quibus hæc imagines sculptæ sunt adorare; sed ea ratione in templo seruamus, non quo res quæ-

I 5
dam

D I S P V T A T I O N I S.

dam sunt, sed ideo ut nobis Christum Deum, D. Virginem, uel aliquem ex diuis effigiant, ob oculos ponimus. Christum autem uerum Deum adoramus & ceteros sanctos uenaramur, obseruamus, honore prosequimur, quod & uos nec regibns, aut insignibus uiris denegatis, nos autem iam Deo consecratis, nulla labe commaculatis (quia scriptum est: Beati mortui qui in domino moriuntur) hisq; quos & Deus sic uoluit honorari.

Rursus ut Deo gratias agamus de beneficijs, quæ in istis intelligimus ab eius clementia condonatis. Postremo ut discamus, & laboremus eorundem sanctimoniam, charitatem, pietatemq; imitari.

Ibi inter colloquendum, uidit canes in templo deambulare & indumenta altarium commaculare (rem profecto pessimam, & consuetudinem hanc, ab omnibus uituperandam) dixit;

An bestias templum ingredi liceat? Ibi pudore affectus, ignorabam quomodo defendere hanc Christianorum pastorum negligentiam, respondi tamen, non licere, nec esse honesta, sed custodum templi negligentia id factum puta.

Vbi

N A R R A T I O.

Vbi autem haec intellexisset, laudauit plurimum: rogauitq; ut docerem eum orationem dominicam, quam illi in Turcicum sermonem uersam hoc modo sum interpretatus: ut sequitur.

D O M I N I C A O R A T I O L I N G V A T V R C I C A.

Babamoz banghe gugteffon chuduss
Pater noster qui es in coelis, sanctificetur
olssun sjenungh, adur gelsson sjenung memlechtun,
nomen tuum, adueniat regnum tuum
olssum sjenung tstedgunh nycse gugthe ule gyrd.
fiat uoluntas tua sicut in coelo & in terra,
Echamegumozi hergunon uere bize
Panem nostrum quotidianum da nobis
bu gun, hem bassa bize borsligomozi, nycse
hodie, & dimittit nobis debita nostra, sicut
bizde baslaruz borsetigleremozi.
& nos dimittimus debitoribus nostris.
hem yedma byzegeheneme, de churtule
Et ne nos inducas in temptationem, sed
bizi yaramazdan, Amen.
libera nos a malo, Amen.

His, auditis ualedicto omnibus discessit.

CORNE. SCRIB.
PIO LECT.

Vultis Christiadæ miserandos cernere casus?
Fœdasq; ærumnas, horrificasq; cruces?
Quantaq; sub rabidis (res uera) afflictio Turcis
Captiuos maneat, heu mibi, Christiadas.
Hunc legitote audi: rursum hunc legitote libellū,
Et motu mentis uoluite cuncta pio.
Dispeream nisi tum lacrime, gemitusq; grauisq;
Corde dolor, uobis uiscera quassa premant.

*

AD LECTOREM.

HABES iam Christianissime Lector,
fratrum nostrorum sub Turcico iugo
seruitutis uiuentium miseras & calamita-
tes, uerbis satis compendiose delineatas.
Habes præterea: & Tredecim potentissi-
morum Christiani Imperij Monacharum
gladium nostræ cladis uindicem futurum,
etumq; duplicum iuxta infidelium uatis præ-
sagia: qui si contra hunc crudelissi-
mum tyrannum iam fato dam-
natum stringatur, quis
dubitat breui unum
ouile unumq; Pa-
storem futu-
rum?

DEPLO-

DEPLORATIO
CLADIS CHRISTI
ANORVM CAPVT.
V.



MMENSO ET INCRE-
dibili dolore affectus, Monar-
chæ inuictissimi Rectoresque
Reipublicæ Christianæ Au-
gustissimi, pro fratribus no-
stris, eorum sortem durissimam dolendo, &
miserrimam uitam deplorando: quorum
alij hæretica prauitate seducti, à gremio sa-
crosanctæ Ecclesiæ defecerunt: alij ciuili en-
se mactantur alij hostili cruento gladio tru-
cidati, à feris deuorantur: alij (proh dolor)
Turcarum præda facti, in perpetuam eo-
rum seruitutem abducti, crudelissime af-
fliguntur: qui ad uos lacrymabilí uoce su-
spirando clamitant.

O nefanda & execranda discordia, &
regnandi auida cupido: quot iam animas ad
cultum diuinum consecratas, in obsequium
Sathanæ tradidit? quotq; potentissimorum
Imperatorum, Regum, Principum, & utri-
usque status & conditionis fortissimorum
Heroum, imperia & regna destruxit? Su-
perbissi-

DEPLORA. CHRISTI.

perbissimarum urbium mœnia demolitus
est: sumptuissima palatia, & fortissima ca-
stra solo æquauit, eosq; ex eminentissimo
statu ac gradu deiectos in perpetuum lu-
cum ablegauit.

Licet tamen, non ad conscribenda Prin-
cipum gesta, sed ad captiuorum calamita-
tes, & tragœdias delineandas, manum ap-
posuerim, unius tamen nostræ tempestatis
potentissimi ac superbissimi huïus abomi-
nandæ Discordiæ comitis, uidelicet Seruiæ
Despoti, turpissimum exemplum non pos-
sum silentio præterire: qui pacto feedere
cum Bosneni Sangiaco, hoste sibi uicino,
& cum fortiora castra in confinibus Turca-
rum, usq; ad Sauum fluuium (qui diuidit
ac separat Illyriam a Croatia) possideret, &
tunc omnes prouincias inter Sauum &
Drauum fluuios, ab impetu & incursu Tur-
cico defenderet & tueretur, in manus hostis
se dedit.

Iste Despotis, aut si mauis, dominus Ser-
uiæ, dum ueniret cum proceribus Sclauo-
niæ in discordiam, & controuersiam, facta
amicitia cum dicto Sangiaco, ibi adiuncto
Turcico exercitu suo militi, trajectoq; Sauo
fluuio

DEPLORATIO

fluvio ad uadum Chobaz dictum : Sclauenos proceres, partim discordes, partim etiam ad resistendum impotentes inuasit, & profligauit : eorum prouincias debellauit : igne & ferro deuastauit: oppida, & castella, partim uiolenti manu, partim dolo & insidijs (ut Turcarum est mos) paucis diebus expugnauit. Post paucos tandem menses, cum dictus Sangiacas Despotis prouincias inter suas esse conspexisset, nacta occasione, Despoten strenue inuasit : quo tandem occiso, eius quoq; ditiones Turcico imperio subegit.

Ita enim ille seditious atheos, proditor patriæ & fratum suorum ignominiose uitam fiuinit. Nam Turcæ præmia eiusmodi sunt : quoscunq; suis dolis, fraudibus & insidijs capere potest. Ita pleriq; & Hungariae proceribus fecit : quorum nonnulli nunc in captiuitate Turcica detentî, ut Mälat, & Terech Balint (nisi proximis his diebus sunt extincti) miserrimam traducunt uitam.

Quamobrem euitanda nobis profecto Monarchæ Christianissimi, & summopere cauenda huius tyranni scœtitia: & uerendum, ne

CHRISTIANORVM.

ne exploratis regionibus, inconcordes, uiribusq; exhaustos aggrediatur : & non tantum Sículos ac Calabros oppugnet, uerum etiam Gallis sublatis, uniuersæ Christianitati terrorem incutiat atq; tremorem.

Felix quem faciunt aliena pericula cautum.

Nam Res uestra agitur paries cum proximus ar-

Malus Christiadas furor fatigat (det

Principes : proprijs perire querunt

Insani gladijs, necq; ante finem

Bellis scœtitiaeq; ponere ullum,

Quam discordia, pessimiq; fati

Intestina lues, lupo rapaci

Pasterem simul atq; ouile tradat.

Nonne ter superum inferumq; uidit

Grassantes mare Turcas triremes,

Vastare oppida Christiana, pagos,

Captos ruricolas & scelus nefasq;,

Si qui debuerant genus tueri

Velis Christicolum atq; equisq; procurant

Velis perdere nos equisq; tandem

Quæ sint profficiant futura nobis.

Ego uero ne prolixior in hoc dicendi genere uidear: uestro prudentissimo ac sapientissimo Religionis Christianæ Principum iudicio corrigenda & emandanda relinquens, ad deplorandas fratum nostrorum sed captiujorum, & sub Turcarum gra-

K uissimo

DEPLORATIO

uissimo, ac crudelissimo tributū iugo uiuentium Christianorum miserias, afflictiones & calamitates redeo: quorum alij catena collo uincti per aspera & lubrica Thraciae atq; minoris Asiae loca, nudis pedibus, in fame ac siti, tanquam bruta animalia uenales distracthuntur, & ubi labore longi itineris, uel alijs calamitatibus & angustijs afflitti, aliqui eorum extincti fuerint (ut plerunq; accidit nobilioribus & quo in otio, & delitijs sunt educati) tales in proximam fossam abiecti, & inhumati, a bestijs dilaniantur.

Alij, ut puta utriusq; sexus iuuentus, mangonum & lanistarum impuram libidinem patiuntur: ubi auditur ingens ploratus & ululatus adolescentium uim patientium: quos miserrimos, nec sexennis ætas, a tali foeditate defendere potest.

Alij uidelicet rusticæ atq; mechanicæ artis ignari, & minus uendibiles literati, oppidatim ac plateatim lōgo tempore ducuntur: & cum uenditi fuerint, sustibus ac loris compulsi, artes mechanicas & rusticas, uidelicet agriculturam, armentorum, & ouium pasturam, aliaq; grauissima exercitia discere coguntur. Et qui eorum sunt robustiores,

hi

CHRISTIANORVM

hi ad tristemes traduntur: ubi uestibus exulti, compedibus uincti, nudi, miserrime cruciantur: quorum miserias, nulla uis humani ingenij uerbis exprimere potest.

Nam si illa gens hanc calamitatem præsciuisse, millies mori citius præoptasset quam ista pati. Si usquam mors cum uita commixta est, imo si usquam uita diu supereft, ut diu moriaris, id in Turcia est. Nihil Aegyptiaca seruitus, Babylonicum exilium Assyriaca captiuitas, Romanorum euastatio ad has miserias: ubi quotidie audiuntur threni Ieremiæ, nec uerbis sed rebus cōstant.

Miseri, qui quasi in fornace illa ardenti Hur Chaldaeorum uiuunt uotis & gemitus cœlum petunt, usque quoq; dormis Domine, exurge, & ne repellas in finem: ubi cum omni spe se undiq; oppressos atq; agrauatos sentiunt, rursus a coelo ad patriam oculos reiectant, quam & ipsam in seruite uident: relegati tamen a patria, in patria seruitutem agere cupiunt: uota illorum, non libertatem sed eandem seruitutem, mutatis tantum sedibus concipiunt.

Qui ut uota satisfaciant, uitam suam morte commutare cupientes, fugam ineunt: quorum alij relicto grege in deserto, alij bo-

K 2 bus

DEPLORATIO

bus in agro & aratro ad deuorandum lupis,
abeunt.

Nonnulli mactatis hero & familia, quidam etiam succensis ædibus primum, sese vindicare uolentes, magno ac manifesto periculo sese expositos, per deserta atq; asperrima loca, glandibus, herbis agrestibus, & earum radicibus amaris, sale modico conditis eorum miserrimam, & plusquam infeliciem uitam fustentando fugiunt, diurnis temporibus in antris latitantes: nocturnis autem polo arctico duce ad Hellesponticum mare concurrunt, aut etiam si locus fugæ non datur in summitate arborum: propter foecissimas feras, fune ramis alligati uigilant: quorum pleriq; aut fame pereunt, aut ferarum dentibus dilacerantur, uel etiam antequam ad mare trajectendum perueniunt ab opilionibus capti rursum in capituitatem traduntur.

Alij uero dum ad mare magno labore & post longos, diurnos & nocturnos errores perueniunt, colligatis lignis mare trajectare contendunt: aut à transeuntibus nautis capti, ad Chadiam, id est, iudicem deducuntur: aut tempestate maris obruti intereunt, & rarissimi ad has partes redeunt, & rarissimi ad

CHRISTIANORVM.

ad has partes redeunt. Quorum pars ubi ad eorum heros & propinquos traditur, dirissimis supplicijs atq; tormentis dum affliguntur, ad uos Monarchs Reges Principes, & Christianæ reipublicæ rectores miserabilem uocem conuertere solent.

Optant enim omnes omnium ordinum homines, uires suas ad liberationem eorum conuertere: & filii suis coadunatis, in unitatem & concordiam redactis, ad communem hostem opprimendum eos adhortari.

In primis optant Augustissimum, & invictissimum sacri Imperij Romani Cæsarem, ac uniuersos eius Principes Duces, & Heroes, posthabito domestico bello, conuocatis suis proceribus, Electoribus ac primatibus sui Imperij, ad defendendum, & ad augendum statum suum, contra uicinum, & iam imminentem sibi hostem uictoria arma mouere. Sciunt illi parere Hispanos in bello acerrimos: Belgas foecissimos: Italos corpore, & ingenio præstantissimos: Germanos animosissimos. Sciunt illi addictissimum Regem Romanorum, Turcarum bellicos assuetissimum, Illyricis, & subalpinis gentibus subnixum.

DEPLORATIO

Optant etiam Christianissimum Regem Gallorum, Eulogij sui conuenientia, suas opes, & arma sua bellicosissima, ad defensionem & liberationem fratrum suorum apparare.

Optant præterea fortissimos ac potentissimos Reges atq; Monarchs, nec non uniuersos Christianissimæ reipublicæ rectores ac potentatus, Poloniæ, Noruegiæ, Sueciæ, Danicæ, Goticæ, Daticæ, Angliæ, Scoticæ, Lusitanicæ, ad id sanctissimum bellum uenire: & contra hunc immortalem hostem eorum sanctissimæ fidei, Sacræ Coronæ & Imperij, libertatis, parentum, uxorum, filiorum & filiarum, fratribus, amicorum, totiusque Christianitatis incolarum, perpetuum inimicum & aduersarium, omnibus opibus & uiribus unanimes pugnare, ipsumq; e medio tolere.

Optant potestatem quoq; tam spirituallis, quam etiam temporalis gladij, seu disciplinæ autoritatem habentem, dignum quæque sui officij uillicum & administratorem sese præbere: sceleratos, & dissolutè uiuentes, pro quibus ira diuina in filios perditio-
nis breui est uentura, iuxta debitam, & institutam normam ac regulam, ad bene be-

ateq;

CHRISTIANORVM.

atq; uiuendum castigando reuocare: quorum rationem Deo, & uero patrifamilias Christo, se daturos fatentur, ne amissio uillicationis suæ officio, in eandem paupertatem (ut iam plerisq; euénit) inopinati & dormientes incident.

Optant etiam utriusq; sexus & conditio-
nis Senes & iuuenes, pios ac Deo deuotos
Christicolas, religiosos ac seculares, dilectissimos parentes, charissimos fratres, colendissimos amicos, proximos atq; sodales,
humili uultu, puro ac sincero corde, deuota
mente, flebili uoce, lacrimosis oculis, eorum
miseris & calamitatibus condolere: plora-
re ad Dominum, si forsitan miserebitur po-
puli sui & auertat iram suam, & non det
eos in opprobrium sempiternum, huic ty-
ranno infideli, & crudelissimo hosti fidei re-
ligionis, ac libertatis Christianæ, sed inspi-
ratis mentibus Christiani Imperij Monarcharum,
Regum atq; Rectorum, lumine Spi-
ritus sancti, usq; ad concordiam & unita-
tem reductis, contra hunc uoracissimum &
infatiabilem draconem concessa uictoria,
miseri, captiui, & saeuissimo infidelium tribu-
ti iugo grauati, fratres eorum Christiani li-
berati, in patriam ad Christi cultum reducti,
illi soli seruant, qui est benedictus in secula.

K 4 Vt

EXHORTATIO

Vt tandem deuictis & profligatis hostibus,
Christianus orbis a tot perpetuis cladibus
respiret.

EXHORTATIO CONTRA TVRCAS

C A P . V I .



APE mecum admiratus sum
Monarcha inuictissime, cur,
quum omnia uideantur nobis
Christianis polliceri uictori-
am, nunquam tamen eam in-
ter tot annos consequamur.

Habemus Christum Deum, qui unica
nocte castra Sennacherib deleuit : qui Pha-
raonem submersit : qui foeminæ manu lu-
dith pueræ Holophernem extinxit, & ut
breuiter dicam, a cuius numine uoluntateq;
omnes uictoriæ pendent.

Turcæ contrâ Machometum habent, &
in uita flagitosum, post uitam sepulchro
sine resurrectione perpetuo inhærentem, ut
tantum inter utrumq; nomine intersit, quan-
tum inter uiuum uiui Dei filium, & inter
hominis

CONTRA TVRCAS.

hominis, & ab homine nati cadauer putri-
dum, adeo ut in cladibus Christianorum, si
natura utriusq; numinis expendatur, mortui
uideantur uiuos, armis potentiaq; superare.

Iam cum robore corporum, dotibusq;
animi eos præcellamus, quæ magna præsi-
dia, uidentur ad hostes profligandos, ipsi u-
biq; miserrime profligamur. Quid Hunga-
ro audacius? quid Germano uastius?
quid Gallo procerius? Hispano solidius?
quid Italo sapientius? aut Polono robustius?
ut de cæteris nationibus taceam, quo-
rum dotes animi aut meliores aut certè æ-
quales.

Rursum si indolem animi spectes, quid
Hungaro uulnerum periculorumq; securi-
us? quid Germano generosius? Italo pru-
dentius? Gallo ambitiosius? Hispano cal-
lidius? quorum singula uidenter posse, uel
dare uictoriæ, uel adiuuare. Sæpe uicit
sine alijs uiiribus audacia, sæpe generositas
animi, sæpe sapientia, sæpe honoris illa au-
da ambitio, sæpe calliditas: tamen, me mis-
erum inter tot uictrices res, a uictoria excidi-
mus.

Iam si apparatus uideas, armorumq;
genera, multis rationibus Turcis præstanti-

LXXX

K S ores

EXHORTARIO

ores uidemur. Nostra inuenta sunt Bombardæ, nostra tot genera panoplæ armaturæ: ipsi Persi nudi, aut semi-nudi ad bella prodeunt, illis arcus, nobis slopetæ, id est, nobis fulmina: illis sagittæ, quæ per dura armorum nullam uim penetrandi habent, cum bombardis seu machinis Christianorum uix ulla rupes obstiterit. Sunt equidem & Musulmannis sui bombardarij, sed rariores & indoctiores. Nunc quoq[ue]o quas gentes secum in expeditionem trahant & Scythes & Thrases: in quibus non sapientia Italica, aut industria Hispanica, sed in humana quædam feritas, barbaries, animi summa inscita, indocta, stolida. Iстis se addit Græcus ignavia perditus: Asiaticus, luxu corruptissimus: Aegyptius, non minus animo quam corpore euiratus: Arabs, excoctus, minutus & exanguis. Quis à tali militie crederet Gallos bellicosissimos, Belgas ferociissimos, Germanos animosissimos, Hungaros audacissimos, Italorum ingenia, Hispanorum solerçiam uinci posse & attamen (proh dolor) uincimur: & uincimur ab his, qui in seruitutem ducunt: & serui pro seruitute bella gerunt contra nos: qui libertate geniti, à proauis, & atauis nobis in delibata relicta sumus.

Quod

CONTRA TVRCAS.

Quod si instituta & leges utriusc[ep] nat[ur]onis iuspicias, neq[ue], hac in parte inferiores sumus. Quid enim Euangelio diuinus est quid iure ciuili sapientius, aut æquius? cum illi ex Alchorano uiuant, re non minus stu[pe]ta quam uana & contumeliosa in Deum: qui liber nunc inter Christianos uersatur & circumfertur, ut mature alienas leges discamus, qui breui nostras amissuri uidemur, ut antea animo quam dictione Turcæ simus. Quid igitur in causa est, cur inter tot prærogatiwas ballandi, in bello semper deuincamur? Cur uexilla crucibus insignita, olim terribilia, non minus infidelibus nationibus, quam infernalibus spiritibus, nunc toties in fugam se auertant?

Dicam paucis, & dicam uere. Deum habemus & sumum & uerum: sed à nobis alienatum, adeò ut propheticō uocabulo ferme, appellari possumus non populos Dei. Cur enim Christus nobiscum esset: qui à nobis per tot hæreses, in tot partes dilaniantur: nam præter nomen, quid nobis Christianis charissimi est: Rusticus hoc tempore & impurus & factiosus: oppidanus, fallax, & auarus: magistratus sequuntur retributio[n]es, diligunt munera & prosopolepsiam:

EXHORTATIO

psiam: nobilitas luxum & ignauiam, discordiam atq; superbiam: miles uero præter stipendum & prædam nihil ex bello quærit, securus quo sceptra cadant, non minus infestus in suos qnam in hostes. Ecclesiastici præter pompam Ecclesiasticam, uix quicquam Ecclesiæ habent, non sanctitatem, non pietatem, non eruditionem debitam profitentur. Nam fere omnes querere uiderentur quæ sua sunt, non quæ Christi: & uerè prophetæ ore dicere possumus: Omnes declinauerunt simul inutiles facti sunt, non est qui faciat bonum, non est usq; ad unum. Quid igitur mirum si talibus motibus Christus amicus esse nolit?

Bellamus igitur sine Deo, & (quod calamitosius) aduersario Deo. Apud nos circunferuntur cruce, sed ipse Crucifixus suo fauore apud hostes uersatur. Pereunt igitur omnia, & infinitis cladibus inuoluuntur: & cum una gens contra Turcam pugnat, alia uero, uel in domesticis uersatur bellis, aduocatis & adjunctis sibi in auxilium infidelibus Paganis, uel Scismatis, uel Hæreticis ut acrius oppugnet Christum: alia uero, uel priuata curat negotia, uel etiam in ocio agit, crapulæ, & alijs uoluptati bus

CONTRA TURCAS.

bus indulgens. Miles uero qui in aciem deducitur, nummo inferuit non Christo: si desit stipendum, statim uel desertor uel transfuga futurus.

Quid igitur prodest ibi Italica sapientia, aut industria Hispanica, aut robur Germanorum, aut ferocitas Gallica, uel audacia Hungarica, ubi miles nec Christum nec gloriam cogitat, sed ad bellum uenit tanquam ad ganeum, ibi potationes suas exercituras?

Bonas leges habemus, sed pessimos mores: bona arma, sed pessimos animos: laus est si inter se acriter dimicent, in hostem si non acriter pugnant, uel dedecus non est, uel certe impunitum est.

Quando quis unquam audiuit militem, uel ob fugam, uel ob abiecta arma multatum fuisse: cum olim poenæ capitales & decimationes non singulos, sed uniuersas legiones perueraserint

Trahimus igitur exiguum numerum, eumq; morib; corruptum, contra tot myriades hostium, optima disciplina uterum. Nam Turca uitia sua domi deponit, Christianus

EXHORTATIO

stianus assumit: in castris Turcarum nullæ delitiæ, arma tantummodo & necessarii uictus: in castris uero Christianorum luxus, & omnis luxuriæ commeatus, adeo grauior turba meretricum quam uiuorum. Latrocinatur Hungarus: prædatur Hispanus: potat Germanus: stertit Bohemus, oscitat Polonus: libidinatur Italus: Gallus cantat: Anglus lurcatur. Schotus helluatur: militem qui moribus miles sit, uix ullum reperias.

Quid igitur mirum, si uincant illi apud quos sobrietas, parsimonia, uigilantia, fidelitas & summa obedientia? Vincantur illi, qui ab hostibus uel uagi ad prædas, uel inter pocula, aut apud meretricem aliasue abominandas, & execrandas nequitias inueniantur.

Sed hæc culpa est superiorum: nam hi, si subditos in suos timore ternerent, miles Christianus nunquam inferior fieret Turcico. Altera ex parte, principes ipsi, dum mutuis bellis se se conficiunt causam præstant, ut nunquam pares uires contra Turcas afferamus, dum pro uno & altero oppidulo digladiamur, & post acerrimas præliorum conflationes:

CONTRA TURCAS.

Etationes: post exhaustas opes nihilo Imperio & regno, auctiores efficimur.

Heu quantum terræ potuit, pelagiq; parari
Hoc, quem ciuiles hauserunt sanguine dextræ.

Sed sere sunt, queremoniæ. Amisimus Asiam atq; Africam: extincta est Græcia: Aegrota est usq; ad mortem Hungaria. Occupata est iam nostro tempore Illyria, subiecta est nuperime Turcico Imperio Sclavonia, debilitata est Austria, uis pestis huius iam Germanorum ceruicibus, atq; uniuersæ Christianitatis dorso incumbit: adeo, ut nemo ab hoc periculo tutus esse uideatur, qui posthac non alienam, sed suam rem agent, pro suis limitibus, uelint pro principibus serui fieri, & pro liberis mancipia, aut in perpetuis carceribus detineri, seu potius mactari, ut plebei capite, & duce careant.

Nunc si potentissimi Christiani orbis Monarchæ & rectores ad concordiam (ut speramus) reducantur, & quisq; suas opes, ad hoc sanctissimum, atq; ecumenicum seu generale bellum iuxta uires contulerit, quis dubitabit nos, uel numero exercitatissimi, ac robustissimi militis Turceæ æquales, uel etiam

EXHORTATIO

etiam superiores fore, in uictoria uero longe lateque excellentiores futuros?

Nam Romanorum Imperium facile armabit quinquaginta millia equitum & centum mille peditum: idem, uel aliquanto plus ex Gallia & Hispania sperandum. Reliquae Hungariae, & Illyriae, cum ceteris Romanorum Regis Prouincijs facile sexaginta millia equitum producent.

SUMMA CHRISTI ANIMILITIS.

Centum sexaginta millia equitum. Dux centa millia peditum. Praeterea ubi Veneti & Lusitani nauales suas copias conferant, Angli, Scotti, Danii, Daci, Gothi, Poloni, ceteraque Reges, Principes, Duces, & Christiani orbis proceres & rectores militem subministrant, praesertim tali Christianissimo Cæsare rerum gubernacula tenente, non diutius oblistet Turca Christiano, quam Darius Alexandro: Xerxes Themistocli: Antiochus Iude Machabæo. Vbi autem uictoria potiti fuerimus, hisque viribus secundo flumine Danubio, Constantinopolim uersus descendatur, placato numine, correatis

CONTRA TVRCAS.

rectis etiam moribus, in proclui erit uincere hostes fidei, recuperare Græciam & Thraciam, ubi adhuc maior pars hominum Christum colit: qui audiissimis uotis expetunt Christiana arma, ad quamlibet occasionem defecturi, & suos dominos & tyrannos, a quibus miserrime uexantur, oppugnaturi, quæ res sola uictoriæ dare, uel maturare potest.

Vtinam Monarchæ potentissimi domestica bella uos illic finerent penetrare: uideritis omnia uobiscum contra eos ad arma cooriri. Nulla ætas, nullus sexus, nullus ordo hominum uestra arma relinqueret. Domi quisque Turcarum in suis seruis percussorem haberet, in castris Proditorem, in pugna desertorem. Omnino Christiani qui illic sunt, contemptissime de armis Turcarum sentiunt, ut quos ad uelitarem tantum pugnam idoneos cognoscunt, hostes uelut aues clamore quodam perterrent, si non eo terroris impetu fuga fit, ipsi fugiunt: præter clypeos & galeas nihil habent, plerique nudí sunt.

Et ubi isti Christianæ fidei perpetui hostes ē medio nostri tollerentur, & ad laterbras Bithyniae propulsi, nostro gladio (ut eorum fatentur præfigia) uel ad fidem

L Christi

EXHORTATIO

Christi conuersi, in gremium Sacrosanctæ Ecclesiæ Catholicæ reducerentur, quis dubitaret, quin breui sit futurum, ut Christianus Imperator, non minus Constantinopolitano quam Romano Imperio insignis sit futurus? Rex Romanorum, Hungariam & Thraciam recuperaturus? Rex Franciæ Asiam minorem suis ditionibus additurus? Angli Schoti & Lusitani, Aegypto potituri? Hispani tota Africa? Itali omnia littora quæcunq; habet mare Mediterraneum in sua potestate habituri, item etiam Poloni, Dani, Daci, Noruegi, Sueci, Gothi quoq; & Islandi Septentrionalis plagæ, ditissimarum regionū & nationum populo dominaturi.

Ita sentiunt non solum captiui & sub tributo Turcarum uiuentes Christiani; uerum etiam omnes Turcarum militis & bellicæ experientiam & cognitionem habentes. Idem ego tredecim annorum cursu experientia dидici, in fugientem scilicet Turcam fortissimum, aduersus inuidentem fugacissimum esse.

Turca igitur cum natura sit fugitiuus, oppugnandus est: impius enim nemine persequenti fugit. Exurgat Deus & dissipentur inimici eius, & fugiant qui oderunt eum a facie eius. Sicut deficit fumus deficiant,

CONTRA TURCAS

tiant, sicut fluit cera a facie ignis, sic pereant peccatores a facie Dei, & ab Ecclesia sua sancta, ut fiat unum ouile, & unus pastor. Quod concedat nobis trinus & unus, Pater, Filius, & Spiritus sanctus, Amen.

NOTA, quod per totam Syriam, & circa Hierosolymam Græci, non utuntur Græca lingua, sed transtulerunt totam Sacram scripturam, in Arabicum idioma: neq; literis quibus Græci olim utebantur, sed Arabicis characteribus utuntur, etiam missam Arabico sermone celebrant, & omnia diuina officia decantant, quare non necessitatibus, sed nouitatis causa saltem Dominicam precationem eodem sermone cum Latinæ linguæ interpretatione huic opusculo inserere uolui, cuius prolatione est talis:

DOMINICA ORATIO

ARABICO SERMONE.

Abuna elledi fi elsemauat, itchaddes
Pater noster qui es in coelis, sanctificetur
esmech, tati melechutech,
nomen tuum, adueniat regnum tuum,
techun misiutech, chemafi elsemma cheda-
fiat uoluntas tua, sicut in cœlo &
lech elared. Hobzinæ bijum hatina

ORATIO ARABIC.

In terra. Panem nostrum quotidianum da iumen, ue noghfor lena denubima, nobis hodie, & dimitte nobis debita nostra chema uenehen noghfor assa leima, sicut & nos dimittimus debitorib. nostris, uela tedhelna si el tegiareb, lechen negina & ne nos inducas in temptationem, sed libera men elserir, Amen.
nos a malo, Amen.

DE SVI RESTAV-
RATIONE EXEGESIS LI-
BRI PROTREPTICA,
AD LECT.

Lugdunum postquam ueni peregrinus ab urbe,
Appertot Miles suscipit hospitio.
Qui lacerū, squalidūq; uidens meq; absq; decore
Comptum, sit facto cogitat ecquid opus.
Exuor extemplo trita, data commoda uestis:
Ut nunc in uulgis comptior ire queam.
Nec ego iudicium metuo, limaniq; periti
Ingenij, liuor solus obesse potest.
Quare age, qualis sim sincera perlege mente:
Sufficiet, sacris si placeam ipse uiris.

Finis libelli de Turcorum
moribus.

SOLTA

SOLTANI SO-
LYMANNI TURCA
RVM IMPERATORIS HOR-
rendum facinus, scelerato in proprium fili-
um, natu maximum, Soltanum Mu-
stapham, parricidio, Anno Do-
mini 1553. patratum:

A V T O R E
NICOLAO. A MOFFAN
Burgundo.



O L E N T I M I H I T A M
scelestum facinus scriptis tra-
dere, operæprecium esse ui-
sum est, ad pleniores huius
tam impiæ ac sceleratæ con-
iurationis demonstrationem,
aliquantis per pedem retrouertere, ac in pri-
mis causam indiciaq; tam inhumani facino-
ris breuibus attingere.

Sciendum igitur. Seulimanum ex serua
quadam Mustapham hunc suscepisse, cui ab
ineunte ætate Amasiam prouinciam tradi-
dit. Tandem illuc simul cum matre pro-
fectus, cumq; ipsis annis florentem uirtute,
testimonio exitit omnibus, se fauore ex-

L 4 lesti

PARRICIDIV M

lesti suæ nationi quodam modo concessum esse. Profecto hoc cum matre iuuene, Rex tandem formositate Rosæ alterius pellicis suæ, supra quam dici potest, raptus est: ex qua quatuor masculos sustulit liberos, & foemellam unicam. Primo nomen fuit Machomet, huicq; Caramania adsignata est prouincia. Secundo uerò Baiaſith, atq; híc Magnesiam regionem tenuit. Tertius fuit Selimus, cui Machomete mortuo data est Caramania prouincia. Quartus Langir dictus est, cognomine illi à gibbis, quibus antè & à tergo deformatus erat, imposito: uerum prudenti & acuto ingenio. Foemella uerò Rustano Paschæ nuptui elocata est. Hic autem imperfecto Hybrachimo, Vesiri (quem nos summum consiliarium uocare possemus) adeptus est dignitatem. Verum eo officio pro innata sibi auaritia abutens, omnia uel renouabat, uel etiam immutabat; militibus, quos Ianicharos uocant, stipendia minuebat: capitaneorum, quos Saniachos appellant, redditus alleuiabat: uectigalia ac tributa prouincijs augebat, nec minus etiam inordinatis domus regalis expensis modum imponebat: nihil aliud quam quod sibi infinitos thesauros ex suis dolosis ac fictis rapinis accumularet,

pensi

SOLTANI.

penſi habens: eoq; pacto fidelis ac diligens seruus existimatus, regis animum ſibi facile deuinxit: parui interim faciens, ſe omnibus alijs infenſum ac odiosum fieri.

Interea Rosa haec, de qua meminimus, uidens ſe p̄æ alijs à rege diligī, ſub religio- nis tegumento mota eft indicare Muchty, ſe pio desiderio motam, ſummo Deo, ac in ho- norem Machometis, templum, ac etiam xe- nodochium recipiendis peregrinis extruere quidem uelle: uerum id non ſine eius con- filio facere decreuiffe. Scifictabatur igitur, an tale opus Deo gratum foret, uergeretq; in animæ ſuæ ſalutem. Talibus Muchty respondit, opus quidem Deo acceptiſli- tum fore. Quanquam etenim id animæ ſuæ ſaluti non proficeret, regis tamen ani- mæ maximè profuturum, ſub cuius domi- nio eſſent & facultates eius omnes, & uitam etiam (ſerua enim erat) ſua. Hoc responſo mulier magis magisq; indies triftis ac ani- mo perturbata uifa eft, adeò quod in plures dies ſolari nequiuuerit. Eius interea pertur- bationis certior factus rex, illam quam hu- maniſſime ſolari coepit, affirmans ſe breui re- perturum modum, quo tandem ipſa ſui de- ſiderij optatum conſequeretur finem. Illam igitur illico manu mifit, facto ſuper eo eti-

L 4 am

PARRICIDIVM

am instrumento (sicuti apud illos fieri consuevit) ne amplius seruitute sibi mancipata foret. Tanto ergo, tamq; admirabilis obtentio fauore, Rosa cum ingenti pecunia se ad opus prius cogitatum, fabricandum contulit. Interea Rex Rosæ cupidine (ut supra dictum est) effrenatè superq; omnem modum inescatus, illi ut ad se ueniret, per internuncium mandat. At callida ac uersuta foemina, quam nihil insidiarum latebat, uafrè nuncio iubet, dominum ut honestatis ac legum admoneat : agnoscere se etenim non amplius seruam, sed liberam esse, at interea minime negare, suam Regiam maiestatem adhuc pro libito suo & uitæ & necis eius dispositionem arbitriumq; penes se habere : uerum quod ad copulationem carnalem attinebat, id fieri minime gentium contra grauissimi peccati patrationem posse. Et ne forte tale quidpiam à se commentum factumq; esse existimaret, de eo se in omnibus iudicio Muchty acquiescere. Hæc repulsa adeo regis inflammata excitauit p̄cordia, ut omni posthabita mora, Muchty ad se accersiri iuberet : dataq; illi libera respondendi facultate, interrogat, an seruæ ab eo manumissæ, citra uiolationem legum, commisceri carnaliter posset? Quibus respondit

SOLTANI

spondit Muchty, id nequaquam licitum esse, nisi prius, cum ea legitimum contraheret matrimonium. Sed hæc difficultas adeò Regis adauxit cupidinem, ut libidine supra omnem modum obcæcatus, in libertæ matrimonium consenserit.

Factis igitur nuptialibus pro suo more instrumentis, quinques mille ducatos soltanos donationis propter nuptias nomine ei numerauit, non sine magna omnium admiratione, præcipuē quod id præter Ottomanæ stirpis esset consuetudinem. Vitanæ etenim in imperio societatis gratia, uxores liberas ac legitimas non ducunt; uerum eārum loco, ad satisfaciendum suis delijs, ac libidinosis cupidinibus (quibus supra omnem nationem uilissime ac spuriissime subiiciuntur) habent ex uarijs mundi regionibus raptas omnis generis formosissimas ac elegantes foeminas, quas in regia (Sarai uocant ipsi) honorifice ac regaliter enutriunt, ac in omnimode commoditatis occasionem educant, honestisq; ac ciuilibus moribus instruunt, quibus quidem per uices pro animi sui uoluptate commisceri solent. Quod si forte illarum quæpiam à rege grauida facta pepererit, tum illa præ alijs omnibus honorata ac reuerita in-

L 5 cedit,

PARRICIDIVM

cedit, maiorisq; dignitatis ac reputationis ergo Soltana uocatur. Atq; eiusmodi fœminæ post partum magnis dominis, Paschis, ac Saggachis nuptui eloquentur.

Verum ut ad propositum reuertamur, seruæ huic iam manumissæ, ac fortunæ beneficio eō usq; elatæ, ut iam omnium totius. Así æ mulierum præcipua facile uideretur, siccq; omni felicitatis comitatæ successu, quō omnibus suis ambitionis satisficeret conatus, restabat solum, ut modum & occasionem adinueniret, quō Seuleimano defuncto, ad suorum unum imperij successio deferretur. Cui rei tantummodo obstabat generositas Mustaphæ, magnanimi adolescentis, ac præstantis ingenij, nec minus animo quam etiam viribus ualentis, quicq; propter magnanimitatem ac fortitudinem mirum in modum militibus gratus, propter uero prudentiam iustitiamq; populo maxime commendatus atq; acceptus erat. Quæ quidem omnia in eo considerans callidissima foerina, ac ob id cum Rustano clanculæ colludens: nouerat enim (ut & ex rationis debito probabile est) Rustanum magis affinem suum, suæq; uxoris germanum, ad imperij gradum uehí cupere, quam Mustapham, apud quem pro certo compertum habebat

SOLTANI.

habebat se maximè odiosum esse, uel ob id præcipue, quod apud illum in maximam contumeliam incederat. A principio enim, dum alijs omnibus (quemadmodum supra attigimus) reditus extenuaret, conatus etiam fuerat, sed incassum quidem, de redditibus Mustaphæ aliquid detrahere: ex quo facile existimabat, tam generosum animum, si forte ad imperium uectus esset, talem iniuriam uix obliuionis daturum: adeo etiam, quod imperante illo, in periculum officij non solum, & dignitatis, sed etiam capitis facilè casurum se, ex suæ ante actæ uitæ ratione suspicabatur. Hæc igitur omnia, nequissima mulier animo sceleratissimo perpendens, conata est animo regis non minimas de Mustapha suspiciones impingere: nempe quod is regnandi cupidine feruens, ac etiam omnium erga se benevolentiae ac fauori confidens, suaq; (qua maxime abundabat) militari manu tumens, nihil aliud de se expectandum relinqueret, quam quod semel imperium affectatus, ac in patris necem mackinaturus esset. Atq; quo melius rem omnem palliaret, omnia per Rustanum (qui semper magnarum rerum gererat curam) opportune expediri curabat: nec ei etiam defuit quidquam, quod in necem

PARRICIDIVM

cem ac criminacionem adolescentis non machinaretur. Nam omnibus qui ad Syriae prouinciae administrationem mittebantur, clancule Mustapham tanquam parenti suspectum indicauit: commitens singulis, ut ad statum Mustaphæ diligentissime animadueterent, deq; omnibus que in eo uidissent, uel de eo intellexissent, ad se quam diligenter scriberent: callide affirmans, quod quanto odiosiora de eo scripsissent, tanto illos Regi etiam gratiore & acceptiores fore. Proinde per istos saepius regalis præstantiæ, magnanimitatis, prudentiæ, fortitudinis, ac etiam erga omnes benevolentiaæ ac liberalitatis Mustaphæ, quibus omnibus omnium sibi facile conciliauerat fauorem, nec minus etiam ardentissimi desiderij, quo omnes fere in electionem illius accendi uidebantur, factus certior Rustanus: non tamen ideo primus eius tam nefariæ coniurationis semen spargere ausus est: uerum literis peruersæ mulierculæ traditis, reliqua illius scelerato capitï relinquebat. At Rosa, succedente illi pro suo impio uoto temporis occasione, fœmininis (quemadmodum nouerat egregiè) illecebris ac adulacionibus, non desistit regis animum corrumperre, ut si quando Mustaphæ incideret mentio-

commo-

SOLTANI.

commodiorem ex tempore literas aperiendi sumeret occasionem, Nec etiam expectatione frustrata est: arreptaç; occasione, non sine lachrymis (sicuti etiam mulieribus, fætis in negotijs deficiunt nunquam) Regem periculi, cui subiectebatur, admonet: commorans inter alia, quemadmodum Selimus parens ipsius, patrem etiam suum eiusmodi medijs, imperio pariter & uita priuauerat. Sibi igitur exemplo ut caueret, enixe rogabat. Sed argumenta hæc suspicionis, prima facie non usq; adeo probabilia uisa sunt regi: atq; inde factum, ut eo pacto perfida mulier parum proficerit. Id quod pro sua inuidia animaduertens, tandem sceleratum animum ad alias technas dirigit, omnibus modis adolescentem ueneno necandi opportunitatem perquirens. Nec defuerunt ad quodcunq; maleficij genus patrandum prompti ac dedicati scelerati homines, ni prouidentia diuina se tam nefando conaturt opposuisse. Parentis quippe nomine missas à muliere hac uenenatas uestes non prius attigit, quam ab alio iudicæ essent prius: qua quidē accurata prudentia nefarias improbae nouercae præuenit insidias, uenenumq; palam patefecit omnibus. Nec tamen adultera cessauit adhuc, quin no-

uas

PARRICIDIVM

uas illi strueret insidias, nam conata tantam
sibi conciliare benevolentiam, familiarita-
temq; , quantam nemo unquam in regia
Ottomanna consecutus est(freta enim ama-
torijs uenenis, quibus Iudææ cuiusdam
incantatricis famosissimæ ope , regis
anum sibi attraxerat,magna sibi, ac maio-
ra indies de rege pollicebatur) impetravit :
ut per uices, filij sui in regia parentis uersa-
rentur : nimirum quo diutina præsentia, af-
fiduisq; blandimentis paternum amorem
sibi magis magisq; allicerent, quod si forte
fortuna Mustapha ueniret, opportuniorum
illum opprimendi nancisceretur occasio-
nem : sin minus, tempus quo illum per
medias personas interficeret, expectaret. Sed
non ueniente Mustapha (non enim consue-
uerunt regij filij adsignatas sibi prouincias
in scio parente egredi, ac se Constantinopo-
lii conferre, nisi patre mortuo, ad recipien-
dum imperium, ingenti militum comitati
caterua uenerint) aliud facile excogitauit
facinus. Obtento enim eo quod postula-
rat, effecit, ut non solum in urbe uerum & in
prouincijs, filij sui parentem regem comita-
rentur. Sed in castris etiam Giangis gibbo-
sus patrem semper sequebatur. Verum e-
nim uero nouercalibus commentis annis
aliquot

SOLTANI.

aliquot ita in suspenso existentibus, fortuna
tandem impijs foeminæ conatus fauere
uolens, suspiciosas apud Pascham, qui regi-
mini Mustaphæ, ac gubernationi Amasia-
næ prouinciae (quilibet enim regis filiorum
apud se Pascham unum, hoc est, Locum te-
nentem, qui populo de iure respondet, ac in
rebus bellicis consulit : & doctorem unum,
a quo bonarum disciplinarum ac regalium
morum ratione imbuitur habere solet) præ-
fectus erat, literas parturiuit : quibus conti-
nebatur, matrimonium inter Mustapham &
filiam regis Persarum tractari: eamq; rem
propterea se ad sacram portam referre, ut si
quid inde sinistri euenisset, ab omni suspici-
one haberetur immunis. Perlati igitur ad
Rustanum literis, uisus est se dudum deside-
ratam Mustaphæ ruinam ad optatum finem
deduxisse. Ne cunctatus ulterius, omnia Ro-
sa subito indicat : ac subinde se ambo in re-
giam conferunt, omniaq; regi indicant. Qua
in re, quod regium animum, quanquam du-
biosum ac hæsitantem, anxijs suspicionib;
imbuerent, omnem mouerunt lapidem, in-
quietes: Mustapham tanquam ambitiosum,
ac animi rabie quodammodo ad domina-
tionem tam magni imperij, contra omnem
tam diuini quam etiam humani iuris ratio-
nem

P A R R I C I D I V M

nem accensum, in necem etiam parentis con-
furare : atq; quo suis fraudibus maior fides
haberetur, regem tractate cum Persis, Otto-
manæ stirpis antiquissimis ac capitalibus
inimicis, à Mustapha affinitatis commone-
faciebant. quapropter summopere cauen-
dum illi, ne iunctis Persianis uiribus, Sang-
gachis ac Ianicharís, quos sibi dudum libe-
ralitate sua deuinxerat Mustapha, in breve
tempus parentem imperio pariter & uita
priuaturus esset. His ac eiusmodi alijs cri-
minacionibus perturbatum senis animum
eō induxerunt, ut morte filij suis rebus con-
sulere decreuerit, in hunc modum.

Anno igitur Domini 1552, summa cum
diligentia ac celeritate, omnibus fere pro-
uincijs publicari facit, Persas finibus suis e-
gressos, ingenti armatorum manu Syriam
inuadere, urbes expugnare, homines capti-
uos abducere, omniaq; igne ferrocq; resisten-
te nemine, uastare : cui tam securæ ac libe-
ræ audacie ut mederetur, se coactum, Ru-
stanum illuc cum exercitu, mittere. Colle-
cto igitur milite, tacite committit Rustano,
ut quam secretissime fieri posset, ac citra om-
nem tumultum, Mustaphæ manus inuiceret,
uinctumq; Constantinopolim duceret. q;
si forte commodius rem exequi nequiret,

tum

S O L T A N I.

tum quoconq; modo mortem illi inferret.
Nefario igitur accrudeli accepto mandato,
Rustanus ingenti comitatus militum manu,
Syriam uerlus proficiscitur. Quo cum per-
uenisset, Mustapha eius aduentus factus cer-
tior, omni posthabita mora, 7000 omnium
totius Turciæ validissimis ac instructissimis
stipatis militibus, Syriā uerlus iter dirigit.
Quod quidem intelligens Rustanus, uidelicet
se impium sceleratissimi ac crudelissimi
parentis mandatum pro suo uoto exequi
non posse: illico terga uertit, ac priora re-
calcans uestigia, se iterum cum exercitu
Constantinopolim confert, adeo celeriter,
ut ne puluerem quidem ab equitibus Mu-
staphæ in aera agitatum uidere nedum illum
expectare sit ausus. Reducto igitur milite,
persuasit omnibus, se prouinciam quietam
ac securam reperisse. Tandem clanculo sui
reditus causam regi aperit: addens, se toti-
us exercitus animum in fauorem Mustaphæ
inclinatissimum, apertissimis signis & con-
iecturis uidisse, nec in tam periculo nego-
tio rem aperto marte tentare ausum fuisse:
atq; ea propter se suæ Maiestatis prudentiæ
rem omnem uoluisse referre. Hæc relatio
crudeli ac impio patri, nec minus ab innata
maiorum suorum crudelitate degeneranti,

M nouas,

PARRICIDIV M

nouas, nec minimas gērauit suspicioēs; qui
bus se ut liberaret, apud se nefarie decreuit.

Anno porrō sequenti, ingentem exercitum conscribi iussit, significans Persas multo maiori manu Syriam inuadere: sec̄ ea propter salutē publicā impulsū, illuc personaliter exercitum deducere, hostilibusq; conatibus obſtare decreuisse. Adunato igitur exercitu, omnibusq; ad rem militarem necessarijs ordinatis, dataq; proficisciendi facultate, tandem parricida parens paucis post diebus exercitum sequitur. Qui ubi in Syriam appulit, Mustaphae illico ut se Alepem conferret (illic enim castrametaturus erat) mandat. Nec tamen interea Seuleimanus nefandum ac mortale odium, quod aduersus filium animo gestabat, extrinsecis indicis (quamuis ad id sedula adhibita cura) adeo celare ualuit, quin ad bonam Pascharū, aliorumq; maioris dignitatis penes se hominum notitiam peruenierit. Ex quo Achmat Pascha clanculē Mustapham per internūcium, quo suæ salutis ac uitæ diligentem rationem haberet, admonuit. Nec etiam Mustaphae admiratione indignum uisum est, præter probabilem ullam rationem, parentem suum cum tam ingenti militum manu aduentasse: attamen suæ innocentiae confi-

SOLTANI.

confidens, anxietate ac perturbatione animi extreṁe uexatus, mandato patris (licet etiam cum maximo uite suæ periculo) obtēperare ac satisfacere statuit. Existimabat etenim, honestius ac laudabilius fore, obtemperando parenti mortem incurrere, quam uiuendo in criminationem incidere inobedientiæ. Sub tam graui igitur animi anxietate, multa secum ipse disputans, tandem doctorem, quem semper in curia sua penes se (ut suprā diximus) habebat, intrepidē ac constanter interrogat, an ne totius orbis imperium, an uero uita beata homini præoptanda esset. Cui libere doct̄or respondet, mundi quidem huius imperium penitus cōsiderati, nihil felicitatis, quā sub uā et inani bōi apparētia afferre, nā eo nihil fragili, insecuriusq;: cū secū meros tiores, angustias, tribulationes, suscipiōes, hōicidia, impietas, iniustias, deprēdatiōes, ruias, captiuitas, ac omnis generis alia pleraq; homini ad ueram beatitudinem peruenire cupienti haud quaquam optanda, afferre soleat: quorum gratia quidem uita beata amitteretur, nō autē reueneretur uerū quib. diuinis datū eset, fragilitatē ac breuitatē hui⁹ status nostri (quem quidem uitam esse uulgas autumat) considerare ac perpendere, mundiq;

M 2 uanita-

PARRICIDIVM

uātitatib. reluctantari, ac hōestatē tādem āplectī: illis sanē in coelis locum adsignatum, ac ā summo Deo prāparatum esse, ubi æternis tandem fruerentur gaudijs, ac uita beata. Hoc doctoris responso, perturbato adolescentis animo mirum in modum, tanquam finis sui quodammodo præsago, satisfactum est: nec longiore sermocinatio remoratus, illico uersus parricidam patrem iter uertit, acceleratoq; gradu tandem ad castra parentis peruenit, ac non procul inde sub diu tentoria fixit. Sed hic tam festinatus Mustaphæ aduentus impio parenti maiorem suspicionem attulit: nec interea Rustanus suis nequissimis commentis ac fallacijs ea in re abstinuit suspicionem augere, nam signo dato, Ianischaros, ac alios totius exercitus primarios milites, ut Mustaphæ irent obuiam, incitat. Nec mora, omnes quam promptissime iussa eius exequuntur, ac se se itineri accingunt. Interea callidissimus nebulo, uultu indignationem (sicuti egregiē fingere callebat) ostentans, se illico in regis tentorium confert, affirmans impudentissime, primarios fere omnes milites sponte ac sine ullo mandato Mustaphæ obuiam iuisse. Hoc audito, rex animi perturbatione impalluit: egressusq; tentorium, facile

SOLTANI.

cile uera esse, quæ Rustanus retulerat, sibi persualisit. Nec etiam Mustaphæ suæ tam infelicissimæ fortis prodigia defuerunt. Nam die antequam itineri accingeretur tertio, circa crepusculum diei dormiens, uisus est uidere suum Machometum, refulgentibus uestitum, se manu arreptum, ad locum quempiam amoenissimum, structissimis ac ornatisimis decoratum palatijs, amoenissimoq; horto constitutum, deducere, digitoq; omnia demonstrantem, ita eum assari: Hic inquiens, in æternum quiescunt, quicunq; in mundo piam iustamq; egerunt uitam, quiq; legum ac iustitiæ adsertores, uitiorumq; improbatores extitere. Ac in aliud tandem latutus uersa facie, rapidissima ac latissima duo flumina conspexisse, quorum alterum aquā pice nigriorem rebullire, atq; in illis plerosq; immergi, plerosq; in altum apparere, ac misericordiam horridissima uoce clamitare: atq; illuc (inquietebat) cruciantur, quicunq; sub uitæ huius fragilitate maliciose operati sunt iniustitiam. Illorumq; præcipuos, principes, reges, imperatores, ac eiusmodi reliquos magnates esse affirmabat. Hoc facto, Mustapha somno pariter ac uisione solutus, doctorem accersiri iubet, illiq; negotium rotum exponit. Ille uero diu mul-

PARRICIDIVM

tumq; cogitans (etenim superstitionis Machometistæ plurimum somniorum delirantis tribuunt) dolore ac mœstitia plenus, tandem respondit: uisionem hanc timendam quidem esse, quippe quæ illi summum uitæ periculum presagiret. Rogat igitur, ut uite ac dignitatis suæ sedulam habere uelit curam. At Mustapha, ut erat magnanimitate ac fortitudine præditus, nullo eius responsi habitu respectu, intrepide respondit, inquiens: Ecquid puerilibus ac friuolis timorib; me uinci ac terreri patiar? Quin potius impauido ac constanti animo festino ad meum parentem proficiisci, eo etiam audacius, quod certò sciām, me semper illius Maiestatem (ut & æquum est) tam pie reueritum esse, ut inuito illo uersus sedem suam nec oculos, nedium pedem unq; uorterim, multo minus imperium affectarim, ni summi Dei uoluntas illum ad meliorem euocasset uitam: nec etiam sine communī totius exercitus publica electione, ut tandem sine cede, sine sanguine, ac omni crudelitate, pie ac iuste regnarem, fratrūq; meorum amicitiam inuiolatam seruarem. Constitutus etenim apud me, elegiq; potius, quandoquidem id uoluntas parentis mei exigit, obediens uitam finire, quam multis annis regnans,

SOLTANI.

nans, ab omnibus, præcipueq; æmulis meis rebellis reputari. Hoc habitu sermone, Mustapha ad castra parentis peruenit, fixisq; (ut diximus) tentorijs, uestibus albis uestit se: literasq; aliquot, quas Turcæ aliquo ituri, semper secum portare (nam in superstitionibus ualde delirant) solent, sinu imponit: ac tandem suorum fidelium aliquot comitatus, cum summa reuerentia parentis sui manus (pro more illis usitato) exosculaturus, uersus impñ parentis tentorium iter uertit. Sed ubi peruenit ad limen, recordatus, adhuc se pugione quodam accinctum esse, non prius introiuit, quam pugionem depo suisset: nimirum ne in sui parentis conspectum armatus uenire uideretur, omnemq; suspicionem à se remoueret. At ubi interiora tentorij ingressus est, hilariter satis ab eunuchis parentis, ac ea quæ decebat reuerentia excipitur. Verum nihil aliud quam sedem unicam, ubi solus federet, præparatam uidens, anxius animi, cogitabundus aliquatenus per constitit ac tandem, ubi nam esset rex, interrogat tum uero, se statim regem uisurum, respondent. Interea ab altero latere septem mutos (quos rex Turcarum penes se, secretorum suorum confortes, ac ad omnia homicidia exequenda secretius promp-

M 4 tos

PARRICIDIVM

tos ac dedicatos, habere solet) ad se uenire conspicit: summoq; terrore perculsus, Enmors mea, inquit. Surgensq; aufugere conatus est, sed frustra. arreptus enim ab eunuchis & custodibus, ui ad suæ sortis locum destinatum tractus est: nec mora, muti subito neruum arcus collo eius alligant, relutanteq; misero filio, ac ut duo tantum uerba cum patre sibi loqui liceret rogante, tandem inhumanus ac impius parricida, qui tam nefandum spectaculum ex altero tentorij latere conspiciebat, immani atq; crudeli uoce increpat illos, inquiens: An ne semel tandem iussa mea exequemini? ac proditorem istum, qui hinc decennio ne unicum noctem quietam dormire me passus est, occidetis? Quibus tam immanibus, nefarijs ac imperijs auditis uerbis, tandem eunuchi cum mutis, misellum humi deiciunt: tractoq; ab utroq; latere nodato nero, infelicissimum, filium iussu scelesti parentis strangulant.

Expedito hoc scelerato ac impio facinore tandem iussu regis Pascha Amasianæ prouinciae capitur, ac in regis conspectu capite plecitur. Hoc facto, Giangir gibbosum, eorum omnium quæ gesta erant insciū, accersit: at quasi rem laude dignam perfecisset,

SOLTANI.

fecisset, illudens, ut fratri suo Mustaphæ e. at obuiam, iubet. Tum Giangir hilari ac læto animo fratrem excepturus festinat. Sed ubi peruenit ad locum, infortunatumq; fratrem strangulatum, humili iacentem consperxit, dictu impossibile est, quanta animi anxietate adfectus sit. Vix tamen adhuc illuc peruererat, cum impius pater post eum nuncios, qui illi suo nomine omnes Mustaphæ thesauros, equos, seruos, tentoria, ornamenti, insuper & Amasianam prouinciam offerrent, misit. At Giangir extremæ mœsticie propter charissimi fratris inhumanissimam mortem, ac tristitia plenus, lachrymabundus in hunc modum affatur: Proh sceleste ac impie canis, proditor, ne dicam pater, fruere nunc thesauris, equis, ornamenti, ac prouincia Mustaphæ. Siccine tuo inhumano, impio, ac crudeli animo incidit, ut tam egregium, militarem, ac tantæ expectationis filium, cuius similem domus Ottomana nec habuerit, nec tamquam habitura sit, tam impie, ac præter omnem humanitatis, ne dicam iuris sanguinis respectum, necares? Caebo igitur, ne in posterum eum in modum de me misero gibboso tam impudenter glorieris. Sic præfatus, pugione, quo erat accinctus, arrepto, eum per intima uiscerata

P A R R I C I D I V M

ra coegit, siccq; subito animā efflauit. Quod ubi ad aures Imperatoris peruenit, quanta sit affectus animi perturbatione dictū difficile est. Verum enim uero non propterea auarum eius animum tanta uicit animi perturbatio ac anxietas, nam illico omnia Mustaphae ornamenta in sua tentoria deferri iubet. At milites illa omnia in prædam forte concessa esse existimantes, promptis animis ad exequenda regis mandata festinant. Interea in castris Mustaphae milites, eius adhuc quod cum domino actum erat inscī, uidentes tantam militum cateruam sine omni militari ordine irruere, quō illorum tumultuarie insolentię opponerent, armati in medium prodeunt: uiriliterq; nec sine multorum cæde, illorum repellunt impetum. Tum demum illius tragediē fama ad regis milites perlata, uidentes tumultus magis magisq; incalescere, suis etiam auxilio esse statuant: ac tandem hinc inde ad arma proclamatū, ac utrinq; pugnatū crudeliter, adeo ut in breue tempus bis mille plus minus ceciderint homines, pluresq; uulnerati sint. processissetq; ulterius hæc tragedia, nī Achmat Pascha, homo sanē grauis, ac proper experienta uirtutis, non mediocris apud milites autoritatis, Ianischaros retrogisset,

S O L T A N I.

gisset, illorūq; furorē frēasset uersusq; ad Mustaphę milites, bēuolis, ac lenib; uerbis exhortatiōibusq; anios illorū mitigasset, inquit ēs: Nūquid, charissimi fratres ac amici mei, à uesta, qua tot seculis probati, estis, anii prudētia degērātes, mādatis magni Soltāi ac Dōini nostri cōtrauēre uultis? Nō possū ita me De⁹ amet) satis mirari, quid nāuos, quos ego hacēus clarissimos ac ualētissimos probauī, mouerīt, ut ī hoc ciuili cōflictu, ea quib; tā feliciter ac prospere aduers⁹ Otomāē stirpis hostes usi fuistis, arma, in uestros nūc strī gere, ac hostib; nostris tale spectaculū edere statuatis: ut quorū armis se deuictos doleāt, eorū mutuis cēdib; sibi inuicē cōgratulētur. Igitur filioli mei, sedulo pro uesta magnāmitate curate, ne ēa qua hacēus, p̄e omnib; cōmēdabiles fuistis, animi prudētiā ac fortitudinē uesta hac insolētia amittatis. Hēc igitur arma, quib; hacēus iter uestros plus satis usi estis, aduers⁹ hostes, ubi melior ac etiā laudabili ordbitur occasio, reseruate. His atq; eiusmodi Achmat Pascha militū anim⁹ deliniuit, adeo ut ūnia ex tētorijs Mustaphae ad regē libere deferre permiserint. Sed ubi mors Mustaphę ad aures lānischarorū et totius exercitus peruenit, altera inter eos seditio orta est. Ab omnibus igitur ad arma clāratū denuo:

PARRICIDIVM.

denuō : factoq; ingenti strepitu, commixtis etiam lachrymis ac planctibus, tandem, ut erant rabido ac feruenti animo, strictis gladijs in regiam cum magno impetu irrunt. Atq; hæc renouata seditio tantum trepidationis regis animo attulit, ut omni ratione consilij destitutus, cum maximo sui capitis periculo fugere uoluerit. Verum à suis retentus, occasionemq; ex necessitate nactus, rem, quam securus ne cogitasset quidem, aggressus est : forasq; egressus, milites (sed pallido uultu) sic affatur: Qui rumores, qui strepitus, quæ tandem insolentiae sunt istæ, quibus animum meum tam effrenate perturbatis ? quid hi tam inflammati, ardentes, iracundiq; uultus denotant ? An ne me regem uestrum esse, eumq; qui uos regendi atq; gubernandi ius habeat, non recordamini ? Siccine uestram maiorumq; uestrorum inuictam, inueteratamq; militiam, regis ac imperatoris uestrī cruento maculare decreuistis ? In hunc modum adhuc loquente rege, milites intrepide respondent: Se illum ipsum esse, quem ante multos annos elegissent, sateri quidem : quod uero militari sua uirtute illi tam amplum imperium adquisiuisserint, idemq; conseruassent, ideo ab illis factum, ut pie ac iuste regeret ; non autem,

ut

SOLTANI.

ut 'inconsiderate cruentas manus suas in quemlibet iustum iniaceret, seq; impiè innocentum sanguine macularet. Quod autem armati in medium prodijssent, iusta de causa, nempe pro uindicanda Mustaphæ innocentis morte, se commotos esse : nec habere regem, cur aduersus illos ira moueretur. Petunt igitur, quo se publicē de proditionis crimine, super quo ab æmulis Mustaphæ falso delati erant, purgarent, accusatorem in publicum prodire. non enim se arma prius deposituros, quam accusator in iudicio personaliter comparuisset, accusationemq; modo legitimo sub talionis poena instituisset. Interea dum hæc agerentur, sceleris atrocitas omnes ad lachrymas promouebat: adeo quod rex sui tam nefandi, sceleratiq; ac inhumani parricidij poenitere uideretur. Tum demum rex omnia militibus, quæ petierant, mitissimis uerbis promittere, illorūq; inflammatos animos, quantum poterat, sedare. Sed milites interim, ne rex callidē aufugeret, illosq; promissis suis, ac omni expectatione eorum quæ petierant, frustraretur, expedita cura ac diligentia in statione omnes & excubij manserunt.

Interea rex Rustanum omni penitus dignitate priuauit : annulumq; regium, cuius custos

PARRICIDIVM

custos extiterat, illi ademis, & Achmat Paschæ tradidit. At Rustanus timore ac trepida-
tione percusus, uidens se in suis non satis
tutum, ad Achmat Paschæ tentoria tacite cō-
fugit: illumq; quid in negocio tam dubio
ac periculo agendū fore, consuluit. Qui
respon- dit, ut in eo, consilio uteretur regis:
quodq; iuberet rex, id omne exequeretur.
Id consiliū mirum in modum Rustano satis-
fecit. nec diu cunctatus, per internuncios, fi-
dosq; sibi ac familiares amicos, regem de
omnibus consulit. Verum responso habi-
to, ut omni posthabita mora, se quam citi-
sime à conspectu regis, & castris absentaret,
replicat, id sine pecunijs ac tentorijs etiam
commode fieri non posse. Verum rex re-
spondet, ulterius nec tempus, nec etiam lo-
cum longiorem capienda opportunitatis
ac commoditatis moram ullo modo con-
cedere. Tum demum Rustanus citra ullam
moram, enormium scelerum suorum sibi sa-
tis conscientis, octo fidelissimis comitatus ami-
cis, Constantinopolim uersus iter uertit: ac-
celeratoq; gradu (quemadmodum timor
semper alas addere consueuit (peruenit Cō-
stantinopolim: illicq; cum Rosa, ac alijs ple-
riq; eius coniurationis participibus, fortu-
nae suæ euentum non sine magno capitio pe-
riculo

SOLTANI.

ticulo expectat. Ferunt etiam, Seuleima-
num tam immanis facinoris sibi conscientum,
poenitentię superstitione ut Mecham pere-
grinaretur impulsum esse: arreptoq; itine-
re, tandem Persarum uiribus coactum se
Hierosolyma conferre, illicq; pro defuncto
filio sacrificium CORBAM uocant) obtu-
lisse. Sed hæc (ut semel finiam) de Musta-
pha mihi dicenda, seu magis admonenda
occurserunt: Eum nempe omnibus ob mi-
litarem disciplinam, promptumq; ad effun-
dendum Christianum sanguinem animum,
adeò gratum fuisse, ut extitis in stirpe Ot-
omanica neminem unquam existiment,
qui tanta de extendendo illorum imperio
polliceretur: adeò quod de rebus apud illos
desperatis natum sit proverbiū, GIE TTI
SOLTAN M VSTA PHA. quo quidem
significari uolunt, de rebus apud illos prius
cogitatis actum esse.

Erit igitur, ut ob tanti, tamq; nobis cru-
delis futuri hostis mortem congratulemur
iniucem: existimemusq; id non sine prou-
identia diuina, quæ rebus nostris ea in parte
consulere uoluit, factum esse. Tum denum
nobis summoperè curandum, ut tandem
ciuilibus abstineamus bellis ac dissidijs: ex-
istimantes, aduersus communem non solum
patriæ

PARRICIDIV M SOLTANI.

patriæ uitæq; sed & animarum nostrarum hostem, communibus auxilijs progredendum esse. Quod si fecerimus, Christiani nominis hostem à nobis repellere non erit difficile : si minus, periculum erit, ne intēstinis nostrorum discordijs, quod reliquum est Europæ nostræ, inuadere, ac sua tyranni de uastare conetur, quod quidem a uertat, nosq; omnes ad concordiam reuocet per C H R I S T V M filium, Deus optimus maximus : A- men.

F
I N I
S.